

讀史兵略續編

讀史兵略續編卷之三

益陽胡林翼集

金匱宣統續校

（哲宗元祐元年）劉摯言鄉野之民其性易於轉習今之保甲衣必華細食必酒肉固已變其向者布麻蔬食之習矣羣聚而笑喧鬻臂而矜勇固已移其椎魯勞苦之習矣臣愚以爲宜有法以斂制之凡保甲之爲禁軍
鵠高下州縣皆有等籍今案取優等願爲兵者刺以爲本州禁軍自餘中下等亦依近制募充弓手刀手番壯
戶長之役蘇轍言河北之民喜爲剽劫近歲勸爲保甲驅之使離南畝教之使習凶器今雖已罷而弓刀之手
不可以復執鋤酒肉之口不可以復茹蔬既無所歸勢必爲盜臣願於元鹽庫或內藏庫乞錢三十萬貫爲招
軍例物選文武臣僚有才幹者各一二人分往河北於保甲中招其驍勇精悍者爲禁軍隨其人才以定軍分
上爲先帝收恩於既往下爲社稷消患於未萌

（二年）知岷州神童復洮州擒果莊青宜結宰臣率百官表賀果莊筵黠有智謀所部精銳數爲邊患熙甯中
誘陷河州神宗屢詔王韶欲生致之至是與夏人解仇爲援築洮州居之誼率衆破其城擒果莊檻送京師誼
謂之弟也時二邊少靖而西塞猶苦寇掠安燾言爲國者不可好用兵亦不可畏用兵好則疲民畏則遺患今
朝廷每戒疆吏非舉國入寇毋得應之則固畏用兵矣雖倖保障戍實墮其計中願復講攻擾之策且乾順幼
暨梁氏擅權族黨會渠多反側顧望若有以離間之未必不回戈而復怨此制勝一奇也其後夏人自相搆貳

來修貢悉如舊言

(七年)夏人寇環州及永和諸砦凡七日始解去初知慶州章鑑遣輕兵出討屢有斬獲部族不敢冒屠盜策其必報謀知將攻環州乃料精兵纔萬統以驍將折可適等而授之策曰敵進一舍我退一舍彼必謂我怯不復備我邊壘乃銜枚由間道繞出其後或伏山谷伺間以擊其歸又以境外皆沙磧近城百里有牛圈所澗水足以飲人馬乃夜遣壯士夏人圍環數日無所獲而歸可適等潛屯洪德城伺夏師過識其母梁氏旗幟城中鼓譟而出馳突躡蹙夏師大敗梁氏幾不得脫盡棄供帳而逃又飲牛圈水人馬被毒死傷不可勝計

(紹聖三年)夏兵自長城一日馳至金明砦列營環城國主乾順與其母親督極鼓縱騎四掠知麟州有備復還金明而後騎之精銳者留龍安邊將悉兵掩擊不退金明乃破守兵二千八百人惟五人得脫城中糧草皆盡將官皇城使張諭死之既遣留一書實漢人頸上曰貸汝命爲我投經略使處其言曰夏國昨與朝廷疆場小有不同方行理究不意朝廷改悔却與坐關鋪處立界本國以恭順之故亦願勉聽從遂於境內立數堡以護耕而鄜延出兵悉行平陽又數數入界殺掠國人共憤欲取延州終以恭順止取金明一砦以示兵鋒亦不失臣子之節也延帥呂惠卿上樞密院而不以聞金明在延安西北龍安在安定西南

遼生女直節度使英格

舊作盈

哥今改節度使頗拉淑

舊作頗刺淑今改

之母弟也頗拉淑沒英格嗣以兄和哩卓

舊作勛子者今改

薩哈

舊作撒改今改

爲國相是歲赫舍哩

舊作紇右烈今改

部阿蘇

舊作阿蘇改今改

穆都哩

舊作毛時祿今改

阻兵爲難英格自往伐之阿蘇

訴於遼遂遣使止英格勿攻英格留薩哈守阿蘇城而遣會阿闐版等阻五國屬路執殺遼捕虜使者遼詔英格討之阿闐版等據險立柵方大寒乃募善射者探動弓利矢攻之數日入其城出遼使者數人歸之英格見子阿古達書作阿骨打今改營射有大志遼大國舅曷胡里書作解里今改曷胡里為盜有眾數千奔女直結英格為亂因命英格圖之英格斬曷胡里遣阿古達獻首級於遼餘悉留不遣遼人無如何乃遣英格及阿古達官以慰之女直在今

阿古達城其西南有阿布河疑即阿蘇音之轉也

(四年)知渭州章窶以夏人猖獗上言城葫蘆河川據形勝以遏夏朝廷許之遂合熙河秦鳳環慶鄜延四部之師陽繕理它砦數十所以示怯而陰具版築守戰之備出葫蘆河川築二砦于石門峽江口好水川之陰夏人聞之帥眾來襲窶追擊敗之二旬有二日城成賜名曰平夏城暨平砦葫蘆河即高平水石門即石門城在鎮原縣西八十里峽江口疑即通峽所謂沒烟前峽也好水川在隆德東平夏城即石門城暨平砦即好水砦通峽在平夏北好水在平夏南

(元符元年)夏人寇平夏城知渭州章窶禦之獲其勇將威明阿密西海監軍穆爾塔布斬俘甚眾捷至帝為御紫宸殿受賀窶在涇原久時夏人肆暴邊吏畏窶上言夏人嗜利畏威不有懲艾邊不得休息宜稍取其土疆如古削地之制以固吾圉然後諸路出兵據其要害不一再舉勢將自感由是朔州一城砦九屢敗夏人而諸路亦多建城砦以逼夏及平夏之敗夏人遂不復振

(三年)穆都哩

舊作毛咄祿今改

降於女直時阿蘇猶在遼遂使使來罷兵未到英格使烏凌阿寶曷書作烏林答石魯今改往

佐和卓戒之曰遼使來但換我軍衣服旗幟與阿蘇城中無辨勿使遼使知之遼使可以計却勿聽其言遼

兵也遼使果來羅兵英格使呼噶

舊作胡穆今改穆沁遼今改二人與俱至阿蘇城和卓見遼使諺謂此二人曰我部

族自相攻斃于汝等何事乃援槍刺殺呼噶穆沁之馬遼使驚駭遽走不敢回顧徑歸屠數日破其城執迪舒

保殺之阿蘇復訴於遼遼遣奚節度使伊哩

舊作乙來英格至拉林舊作來烈今改水見之伊哩問阿蘇城事命英格

曰凡攻城所獲存者復與之不存者備賞且徵馬數百匹英格與其下謀曰若償阿蘇則諸部不復可號令任

用也乃令和納

舊作主侵今改國塔舊作禿答今改

兩水之民陽為阻絕廕路復使斃故德部節度使言於遼曰欲開廕路非

生女直節度使不可遼不知其為英格謀也信之命英格討絕廕路者而阿蘇城事遂止英格聲言平廕路敗

於阿蘇

舊作土溫今改

水遼使使賞其功英格令富嘉勢以遼賜物給和納國塔之民且修廕路而還拉林河在伯都訥松花江之東

餘未詳

〔徽宗崇寧元年〕遼蕭哈里之亡入女直克展部也遺其族人額特勒結和於英格曰願與太師為友同往伐

遼英格執額特勒會遼命英格捕討哈里遂送額特勒於遼募兵得甲千餘阿古達

舊作阿骨打今改

喜曰有此甲兵

何事不可圖蓋前此女直甲兵之數未嘗滿千也軍次混同水與哈里遇時遼追哈里兵數千攻之不能克英

格謂遼將曰退爾軍我當獨取哈里遼將許之阿古達策馬突戰哈里中流矢墮馬下執而殺之大破其軍英

格自是知遼兵之易與矣

混同江在寧古塔北此當在郭爾羅斯前放

(二年)王厚實發熙州初厚與賈會諸將部分軍事諸將皆欲并兵直趨湟中厚曰賊恃巴金把拶之險挾大河之阻分兵死守以抗我師若進戰未克青唐諸部之兵繼至夏賊必爲之援非小敵也不若分兵爲二南道出安鄉衝其前北道出京玉擣其後賊腹背受敵勢不能支破之必矣賈猶未決厚曰他日身到其地計之熟矣賈毋過疑遂以岷州將高永年爲統制官權知蘭州姚師閔佐之及管句招納王端等率蘭岷州通遠軍漢蕃兵馬二萬出京玉關厚與賈親領大軍出安鄉關渡大河上巴金嶺厚次河州抵安鄉關賈率李忠等以前軍趨巴金城背名安川堡在巴金嶺上多羅巴使其三子長曰阿令結次曰賈鐸麻令次曰阿蒙率衆拒守城據岡阜四面皆天塹深不可測道路險狹我師至望見城門不閉偏將辛叔詹安永國等爭先入賊出兵迎擊師少却永國墮天塹死叔詹等馳還幾爲所敗會雨各收軍而止翼日乙丑賊以大衆背城而陳煒閱建旗鳴鼓決戰復有疑兵據高阜張兩翼會厚以軍至賊望見氣沮厚乘高列大帥旂幟遣人諭以恩信開示禍福數返阿令結等不肯降語益不遜遂命諸將攻城賊力戰拒險我軍不能過天塹厚親至陳前督驅弩射之賊稍却別遣偏將鄒勝率精騎由間道繞出其背賊大驚因鼓之諸軍四面奮擊殺阿令結賈鐸麻令於陳阿蒙流矢中目貫腦遁去多羅巴率衆來援聞敗亦遁去日未中大破賊衆遂克其城遠近爭降附厚誅驕悍首領數百人入據城遣高永年引兵萬餘出京玉關厚進軍次瓦吹舊名甯洮寨永年等進據把拶宗城阿蒙遁遇其父多羅巴引衆來援告之曰兵大敗二兄皆死我亦重傷漢家已入巴金城矣父子相持慟哭恐追騎及備

馳而去至虜營城所屬附順者張心白旗甚衆復懼見禽踰城奔青唐然餘黨猶盛厚慮其或誘我軍後大軍
留甯洮與童貫率李忠等將輕騎二千餘人趨卽當破不順部族焚其巢穴臨大河據險命忠等率衆守之厚
卽日還甯洮進下隴朱黑城城舊名安隴寨至隴州會高永年等軍於城東坂上諸將各率所部環城遣人約
降其大首領丹波亮令結盡拘城中欲降者據城不下厚與貫登城南山視城中盡見其戰守之備分遣諸將
各守一面攻城賊援兵自城北宗水橋上繼至勢益張日暮諸將有言賊得援力生我師攻戰久已疲請暫休
士卒徐圖之厚謂貫曰大軍深入至此是爲死地不急破其城青唐王子擁大衆來援據橋而守未易以旬日
勝也形見勢屈將安歸乎諸將不以計取顧欲自便豈計之得邪敢再言者斬於是諸將各用命死士乘城賊
以石縱礮垂至堞而墜奮復上者不可勝數鼓四合晝夜不絕聲矢下如雨城中負盾而立別遣驍將王用率
精騎出賊不意亂宗水上流礮破援兵絕其路乘勝奪水寨初元符間築城宗水之北以護橋至是賊據守之
有蕃將包厚緣城而上搥槍擊賊引衆踰入城退保橋南厚開其門王用因以其衆入據橋城而戰勢猶未沮
遂火其橋中夜如晝諸將乘火光盡力攻城城中不能支大首領蘇南抹令喊潛遣人縋城送款請爲內應許
之是夜王用奪水門入與其麾下登西城而呼曰得隴州矣諸軍鼓噪而進丹波亮令結以數十騎由西門遁
去黎明大軍入隴州假高永年知州事完其城而守之前後招納隴州境內漆令等族大首領七百五十人管
戶十萬厚具捷許以聞

北路由今蘭州府西北四十五里之把務橋卽京玉關也其西四十里通川堡又西四
十里通遠堡又西三十五里卽隴州今張伯麟也州西卽東峽隴水峽也又西饒金坪

卽綏遠城又西省章又西陽城嶺西南朴江古城又西南安兒峽陝南宗哥城城西安兒城又西南青唐今西南府也宗哥城東爲陵陽宗哥川入湟水處也宗哥川發源青海東南流逕張伯北而東又南又西南至札當安離勝宗在田丁等宗谷歸子隘之北南入湟水南路由河州東北五十里之安鄉城卽鳳林城也過河西北行三十里至巴金嶺嶺上有巴金城又西北南洮城又西北湟州

初湟州未克青唐王子賂羅撒率衆來撈過安兒峽山城已破遂駐宗哥城以丹波禿令結不能守斬之以徇時論者皆欲席卷而西王厚與童貫及諸將議曰湟州雖下形勢未固新附之人或持兩端青唐餘燼尙驅未肯望風束手我師狃於新捷其實已罷若貪利深入戰有勝負後患必生歲將秋矣塞外苦寒正使遂得青唐諸將未可興築若不暴師勞費則必自引而歸玩敵致寇非萬全之策往年大軍之舉事忽中變正以此耳湟州境內要害有三其一曰札當在州之南前已城之矣其二曰省章在州之西正爲青唐往來咽喉之地漢世謂之隴陬唐人嘗修閣道刻石記其事地極險阻若不城之異日出兵賊必乘閒斷我歸路其三曰南宗寨在州之北距夏國卓羅右廂監軍司百里而近夏人交構諸羌易生邊患今若城之可以控制況此三城正據鄯遼腰背控制之利可斷其首尾之患厚在元符閒已嘗建論不從竟致繫地之事覆車之轍何可復蹈且三城旣畢遼境遂固降者悉爲吾用地利可佐軍儲形勢所臨威聲自達益加招撫降衆必多此支解羌虜之術也明年乘機一舉大功必成或謂厚曰朝廷之意必欲亟定青唐從而有功必受重賞違之且得罪厚曰忠臣之誼知體國耳遼他卽乎遂卽日移軍趨省章東峽之西得便地曰灑金平建五百步城一座後賜名曰綏遠關大軍駐關中賂羅撒尙在宗哥遣其大首領奔巴令阿昆等五輩持蕃書詣軍門請保渴驢嶺以西而和

書辭每至益卑時軍已定議保完隄境來春進取且欲懈賊關志使不爲備於是以便宜聽所請移書張示威

儻賊中大震

注見上

(二年)童貫自京師還至熙州凡所措置與王厚皆不異於是始議大舉是日厚貫帥大軍發熙州出歸金平隴右都護高永年爲統制諸路蕃漢兵將隨行知蘭州張誠爲同統制厚恐夏人援助青唐于蘭州界使擾及河南蕃賊亦乘虛竊發騷動新邊牽制軍勢乃遣知通遠軍潘逢權領隄州知會州姚師閔權領蘭州控禦夏國邊面別遣知河州劉仲武統制兵將駐安彌寨通往來道路由是措置完密無後顧之憂大軍得以專力西向夏四月庚戌王厚貫率大軍次隄州諸將徃於累勝多言青唐易興宜徑往取之厚曰不然青唐諸羌用兵詭詐若不出弓兵分道而進不足以張大聲勢折賊姦謀且隄州之北有勝鐸谷西南有勝宗隘汪田丁零宗谷而中道出綏遠關斷我糧道然後諸部合勢夾攻渴驢嶺宗哥川之間勝負未可知也於是定議分出三路厚與貫率三軍由綏遠關渴驢嶺指宗哥城都護高永年以前軍由勝鐸谷沿宗河之北別將張誠同招納官王端以其所部由汪田丁零宗谷沿宗河之南期九日會於宗哥城下是日貫猶以諸將之言爲然先趨綏遠用渴驢統選鋒登渴驢嶺候騎言青唐兵屯嶺下者甚衆貫止綏遠翼日厚以後軍至始下渴驢嶺給餘驅撤遣般次迎於路竊覘虛實勢而遣之誠曰歸語而主欲降宜亟決大軍至鋒刃一交將無所逃矣般次還報以爲我軍不甚衆初不知分而進也給驢驅撤言曰王師若止如此吾何慮哉以其衆據朴江古城俄聞三

路兵集還退二十里宗哥城之東地名萬陂湯有大湖數重可恃而戰賊遂據之是夕中軍宿於河之南驛子
隘之左永年軍於丁零泉口壬子厚賁遣選鋒五將前行中軍渡河而北繼永年之役張誠夾河而行日未出
至賊屯所賊衆五六萬人據地利列陳張疑兵於北山下其勢甚銳厚命馮瑄統選鋒五將與賊對陳壬子統
策選鋒繼其後永年馳前視賊未知所出厚謂賁曰賊以逸待勞其勢方熾日漸高士馬飢不可少緩宜以中
軍趨前山傍北山整陳而行促選鋒入戰破賊必矣既行謀者言豁賂羅撤與其用事酋長多羅巴等謂衆曰
彼張蓋者二太尉也爲我必敗之賁欲召永年問賊勢厚曰不可恐失支梧賁不聽及永年至攬轡久之無一
語厚謂永年曰兩軍相營勝負在頃刻聞君爲前軍將久此何邪永年惶恐馳去時賊軍與我選鋒相持未動
豁賂羅撤以精兵數千騎自衛登其軍北高阜之上張黃屋列大旆指揮賊衆其北山下疑兵望見厚與賁引
中軍傍山欲來奔衝厚遣游騎千餘登山潛攻其背賊覺而遁游騎追擊之短兵接中軍伐鼓大譟永年遽揮
選鋒夾陳賊少却張誠以輕騎涉河擣其中堅取豁賂羅撤之旂及其黃屋乘高而呼曰獲賊酋矣諸軍鼓聲
震地會暴風從東南來塵大起賊軍不得視我軍士乘勢奮擊自辰至午賊軍大敗追北三十餘里豁賂羅撤
單騎趨宗哥城城閉不納遂奔青唐諸將爭逐之幾及會幕而還是日斬首四千三百一十大降俘三千餘人
大首領多羅巴等被傷逃去不知所在宗哥城中僞公主瞎叱半蘭斡兼率酋首以城歸順宗哥城舊名龍支
城取兵將守之是夕合軍於河之南翼日勝宗首領欽厮難率衆來降甲寅厚賁入安兒城乙卯引大軍至都

州僞龜茲公主齊宜結卑及其食蒙李河溫率回紇于闐般次諸族大小首領等開門出降鄯州平辛酉厚入
鄯州馳表稱賀大軍駐于城西河南部族日有至者厚賚以朝廷撫存恩意宗哥戰敗所誅禍福之因戒其不
得妄作自取屠戮皆唯諾聽命注見上

〔四年〕陶節夫議出師城銀州官屬皆不願從至有引承洛事爭者又曰夏人東出不過至麟府此去不逾旬
奈何節夫曰我計之熟矣夏人必西趨逕原諸君不我從我當以二子與士卒同死生遂選耿彥瑞爲都統制
而節夫二子隨行疾驅至銀州夏衆來拒者猶萬人我師既陳一擊而敗遂城之五日而畢夏人果趨逕原擾
亂關築事泊開城銀州亟引兵來爭城成已幾月矣遂遁去蕭關在固原州東南

大觀二年初童貫欲收積石軍積石與西甯接壤劉仲武詣貫計事曰大兵入境賊窮必走夏國路由西
甯當卽掩捕欲降則招納之或深入巢穴可乘其便但河橋功力未易辦若稟命待報慮失事機貫許以便宜
賊征撲哥果欲降一子爲質仲武卽遣子錫往而河橋亦成仲武以兵渡河契與歸獻捷宣撫司貫拚其功
止銀河橋之勞仲武終不自言後帝遣使持金醴賜先得積石軍招納降王者使者訪其實以醴授仲武且召
對帝慰勞久之曰高永年失律以不用卿言今招納降王撫定河南皆卿力也仲武謝命仲武復知西甯州積石山在河州西北接西甯府界

〔政和元年〕燕人馬植本遼大族仕至光祿卿行汙而內亂不齒於人童貫使遼道蘆溝植夜見其侍史自言

有誠燕之策因得見質與爾大奇之戰與俱歸易姓名曰李耳嗣蕭諸朝植即獻策曰女直恨遼人切骨而天祚荒淫失道本朝若自登萊涉海結好女直與之相約攻遼其國可圖也議者謂祖宗以來雖有此道以其地接諸蕃禁商賈舟船不得行百有餘年矣一旦敗之懼非中國之利不聽帝召植問之植對曰遼國必亡陛下念得民遺墟炭之普復中國往昔之疆代天譴責以治伐亂王師一出必殪衆來迎萬一女直得志先發制人事不侔矣帝嘉納之賜姓趙氏以爲祕書丞國燕之議自此始遼清即桑乾河在順天府城西登萊二府屬山東

(三年)遼生女直都節度使烏雅舒夢逐狠屢發不能中阿古達前射中之旦日以所夢問僕佐皆曰吉兄不能得而弟得之之兆也是月烏雅舒卒阿古達襲位爲達貝勒舊作都勃烈今改遼使阿勒博舊作阿息保今改往謂之曰何

故不告喪阿古達曰有喪而不弔而乃以爲罪乎他日阿勒博徑至烏雅舒殯所謁贈馬欲取之阿古達怒將殺之宗雄諫而止宗雄本名摩囉舊作謀其虎今改烏雅舒之長子也阿古達欲伐遼而未決乃之完顏部謂都

古嚙納舊作迪古乃今改曰遼名爲大國其實空虛主驕而士怯戰陳無勇可取也吾欲舉兵而西君以爲何如都古

嚙納曰以公英武士卒衆爲用遼帝荒於政獵政令無常易與也阿古達然之

(四年)遼主好畋獵怠於政事每歲遣使市名鷹於海上道出生女直使者貪縱徵索無赦女直厭苦之烏雅

舒嘗以遼主不道阿蘇舊作阿蘇今改爲辭稍拒其市鷹使者及阿古達襲節度使相繼遣普嘉努舊作蒲家奴今改實古訥

舊作習古乃今改等索阿蘇遼主終不許實古訥歸具言遼主驕肆廢弛之狀阿古達乃召其所屬告以伐遼之故使

備衝要建城堡修戎器以聽後命遼主使侍御阿勒博往詰之阿古達曰我小國也事大國不敢廢禮大國德

澤不施而道逃是主以此字小能無望乎若遼阿蘇胡貢如故苟不獲已豈能束手受制也阿勒博還遼主始

為備命統軍蕭訛卜舊作捷不調諸軍於甯江州阿古達聞之使布薩哈舊作僕貼復索阿蘇寶觀其形勢

布薩哈還言遼兵多不知其數阿古達曰彼初調兵豈能遽集如此復遣呼寶布舊作胡沙往還言唯四院統

軍司與甯江州軍及渤海八百人耳阿古達曰果如吾言謂諸將佐曰遼兵知我將舉兵集諸路軍備我必

先發制之無為人制眾皆曰善乃入見頗拉淑舊作頗刺妻富察氏舊作滿察告以伐遼事富察氏曰汝嗣父

兄立邦家見可則行吾老矣無貽我憂汝亦必不至是阿古達奉觴為壽即奉富察氏率諸將出門舉觴東向

以遼人荒肆不歸阿蘇并已用兵之意禱於皇天后土辭畢富察氏命阿古達正坐與僚屬會酒號令諸部使

博勒和舊作婆盧徵伊蘭古嚕訥舊作移懶路之兵執遼障應官甯江州在吉林烏

九月女直阿古達舉兵伐遼進軍甯江州次寥晦城博勒和徵兵後期杖之復遣督軍諸路兵皆會於拉林舊

來流今改水得二千五百人申告於天地曰世事遼國恪修職貢有功不省而侵侮是加今將問罪於遼天地其鑒

佑之遂命諸將傳檄而誓曰汝等同心盡力有功者奴婢部曲為夏庶人官之先有官者叙進輕重職功苟違

誓言身死槌下家屬無赦師將至遼界先使宗幹本作幹布督士卒與整既度遇渤海軍攻左翼七穆昆舊作

今眾少却遼兵直抵中軍果本作舍音出戰哲煙先驅阿古達曰戰不可易也遣宗幹止之宗幹馳出果前控

止導騎哲理之馬果遂與連還遼兵從之耶律色寶舊作謝今改遼馬遼人前救阿古達射救者斃并射色寶中之

有騎突前又射之微札洞胸色寶拔箭走追射之中其背憤而死宗幹與數騎陷遼軍中阿古達救之免宵戰

或自旁射之矢拂於額阿古達顧見射者一矢而斃謂將士曰盡敵而止衆從之勇氣自倍遼軍大奔蹂踐死

者十七八薩哈舊作撒改今改在別路不及會戰阿古達使人以戰勝告薩哈遣其子宗翰本名尼瑪哈舊作粘沒喝亦作粘罕及完顏

希尹本名谷神舊作谷神來賀且勸稱帝阿古達曰一戰而勝遂稱大號何示人淺也軍至甯江州填塹攻城甯江人自

東門出邀擊燕殄之還統軍司以聞遼主射鹿於慶州略不介意遣海州刺史高仙壽統渤海軍應援而已冬

十月甯江州陷防禦使大藥師舊作太藥師奴今改被獲阿古達陰縱之使招諭遼人遂引兵還謁富察氏以所獲殄

宗族耆老初女直部民皆無徭役壯者悉爲兵平居則漁畝射獵有警則下令諸部之長凡步騎之仗糧皆自

備焉其部長曰貝勒舊作季蓋今改行軍則稱曰明安舊作猛安今改穆昆舊作謀克今改明安猶千夫長穆昆猶百夫長也遼主聞

甯江州陷召羣臣議漢人行宮副都署蕭托斯舊作陶蘇幹今改曰女直雖小其人勇而善射我兵久不練若遇強

敵稍有不利諸部離心不可制矣今莫若大發諸道兵以威厭之北院樞密使蕭德勤舊作德寧底今改曰如托斯

和之謀徒示弱耳但發渾水兵足以拒之乃以司空蕭嗣先爲東北路都統蕭托卜舊作撻不也今改副之發契丹

奚軍三千人中京禁兵及土蒙二千人選諸路武勇二千餘人屯出河店遼都統蕭嗣先等將步騎諸軍會於

鴨子河北遼史天祚本紀作混同江今從金史太祖本紀阿古達帥衆來禦未至鴨子河會夜阿古達方就枕若有扶其首者三窟而

讀史兵略續編

卷三 宋紀

七

起曰神明警我也卽鳴鼓舉燧而行黎明及河遼人方壞陵道阿古達選壯士千人擊走之因帥衆繼進遂登岸與遼兵遇於出河店會大風起塵埃蔽天阿古達乘風奮擊遼兵潰遂至斡論灤殺獲不可勝計遼將士得免者十有七人樞密蕭奉先懼兄嗣先得罪輒奏東征潰軍所至刼掠若不肆赦恐聚爲患遼主從之嗣先但免官而已於是諸軍相謂曰戰則有死無功退則有生無罪故士無鬪志見敵輒潰遼都統蕭迪里舊作敵等里今改營於斡論灤又爲女直兵所襲死者甚衆迪里亦坐免官遼人嘗言女直兵滿萬則不可敵至是始滿萬云

城在伯都訥拉林水東南江州在其西慶州遼上京臨潢府西今巴林旗西北出河店在伯都訥南今伊通河東鴨子河卽混同江斡論灤疑在伊通河西渾水河在承德府南

遼賓威三州及鐵麗部俱降於女直鐵州楊朴嘗仕遼爲祕書郎至是降於女直說阿古達曰大王勦興師旅當變家爲國國霸天下比者諸部兵衆皆歸大王今力可拔山填海而不能革故鼎新册帝號封諸蕃傳檄嚮應千里自是東接海隅南連宋西通夏北安遼國之民建萬世之鐵基興帝王之社稷行之有疑禍如發矢大王何如烏奇邁薩哈等並以朴言爲然率官屬勸進願以新歲元日上尊號阿古達不許普嘉努宗翰等進曰今大功已建若不稱尊號無以繫天下心阿古達曰吾將思之

寶曆詳三州疑在伊通河東西伊通邊門外鐵州在蓋平東北鮑廣應西北鐵麗未詳其

詳開原北城

（五年）遼帥賈宗諒武人也喜生事嘗以需竹木擾夷夷怨之至是又誣致其酋斗箇劣等罪杖脊黥配諸夷憤怒卜瀾遂主盟合從入寇因上元張燈毀破梅樹堡知寨高公老妻族姬也公老嘗攜族姬以金玉器與卜

淵猷飲思義獨卜淵鑿之故來攻公老邁去遂掠其妻及金玉四出焚掠以歸族姬濮安懿王之曾孫於帝服
屬為近事聞帝甚駭時蜀久安人與懦不習兵所至闕戰守備遠近聞警驛動梓州轉運使趙遵適案部次昌
州即馳至而提點刑獄賈若水亦至遵恐賊逾隴水益難禦乃急督宗諒率兵進屯江安縣據水當賊衝迅
賊再犯梅嶺宗諒出兵與賊戰官軍大創賊屢勝愈猖獗出沒無虛日蜀士大震今梅嶺在江安縣西南昌州
在瀘州
西南

遵遣行軍都統耶律鄂爾多舊作訖里左副統蕭伊蘇舊作乙右副統耶律章努舊作張都監蕭色佛均舊作

留今騎二十萬步卒七十萬戍邊遼主率兵趨達嘯嗚舊作達魯城次甯江州西遼主下詔親征遣僧嘉努舊作

僧家奴今改持得約和斤金主穆名且使為屬國金主遣薩喇舊作賽復若歸叛人阿蘇舊作阿還黃龍府於別

地然後議之進師逼達嘯嗚城金主登高望遼兵若連雲墮木狀顧謂左右曰遼兵心貳而情怯雖多不足畏

遂趨高阜為陳宗雄以右翼先馳遼左軍左軍却右翼出其陳後遼右軍皆力戰洛索舊作索尼楚赫舊作赫可今

改衝其堅凡九陷陳皆力戰而出宗翰請以中軍助之金主使宗翰往為疑兵宗雄已得利擊遼右軍遼兵遂

敗乘勝追蹙至其營會日已暮圍之黎明遼軍潰圍出逐北至阿嚙舊作阿岡遼步卒盡殲是役也遼人本欲

屯田且戰且守故金并得其耕具以給諸軍達嘯嗚遼黃龍府地阿嚙岡宜在其西南黃龍府

梓州路轉運使趙遵奏賈宗諒激變夷之罪且曰瀘南邊事轉運使官不當干預臣不敢坐視已收羸兵

馳赴樂共城權行招安之策庶邊徼早得甯息詔罷宗諒等代以康延經而總攝制趙適奏節次招到嬰州夷賊千餘人及首領斗岡等二百四十七人又說諭到賊首卜漏等十餘人同刺猶牲雞血和酒飲誓稱一心歸宋更不作過率皆西爾稽顙再拜以謝臣卽稿以酒食錫以銀采俾令著業遂分兵修復梅嶺堡兼勸築諸

城寨以備不虞

樂共城在江安縣南

遼使薩喇

舊作辭刺今改

以國書致金主金主留之不遣八月戊戌朔金主自將攻黃龍府次混同江無舟金主使一

人導前乘緒白馬徑涉曰視吾鞭所指而行諸軍隨之水及馬腹後使舟人測其渡處深不得其底遼黃龍府

陷於金金主遣遼使薩喇還班師至混同江徑渡如前金宗翰及其弟宗弼

本名烏珠舊作兀朮

等遣將遼主陽爲卑

哀之辭實欲求戰遼主怒下詔親征有女真作過大軍翦除之語金主衆衆驚面仰天慟哭曰始與汝等起兵

蓋苦契丹殘忍欲自立國今天祚親征奈何非人死戰莫能當也不若殺我一族汝等迎降轉禍爲福諸軍皆

曰事已至此惟命是從

此卽松花江與混同江合流之處

趙適與馬覺張思正軍皆至輪緡大國其山嶺起數百仞周四十餘里卜漏居之凡諸國之奔亡者悉歸於此

共保聚拒守賊自上施矢石直瞰官軍中者卽盪粉官軍以強弓弩射之曾不能及半兵陳四周凡累日將士

相顧無計瀘州都巡檢使种友直山西將家子沈寔能任事思黔州巡檢田祐恭本思黔夷所部士于藥箭手

輕趨習山險遂乃微服乘馬命友直祐恭從窺形勢見山隈崖壁尤陡絕賊以險故不設備適乃悉移軍當

賊而命二人率所部軍於下謂曰此處崖壁可以計登且山多猿思黔人善能捕取汝等急辦之信宿友直捕得生猿數千適喜曰事濟矣乃悉以成算授友直且令諸軍各備雲梯視山上火發卽以進是日友直選所部與祐恭之衆得二千餘紉麻爲長炬灌以膏蠟使羣猿背負之莫夜先以數輩登崖巔繫繩梯數十繩而下衆各銜枚挾羣猿次第挽繩梯而登雜方唱衆已悉登及棚乃然炬縱猿賊廬舍皆茅竹爲之羣猿所歷火輒發賊奔呼撲救不暇猿益驚跳火益熾爭前驅逐羣猿官軍已破棚鼓譟擊其後賊猶與官軍力鬪適望火發令諸軍鎗鼓俱以雲梯進賊蹂亂官軍內外相應遂斬關環城而登下漏從諸酋突圍遁命友直及統領官劉慶以步騎五千追至山後擒下漏及諸酋長遁自入會境至破輪縛凡所平州二縣八諸國三十餘城以其地之要害者建置寨堡拓地環二千餘里皆衍沃宜種植畫其疆畝募並邊之人耕之使習戰守如西北弓箭社

之制號曰勝兵

輪鑄大國在興文縣南卽南壽山也

遼主自將親軍七十萬馳至駙馬門肅特默

舊傳特默林牙蕭薩喇

舊作察

等將騎兵五萬步卒四十萬至韓鄰

濛金主自將禦之十二月乙巳遼都監章嘉努

舊作張家奴今改

叛金主行次約羅舊作交會諸將議皆曰遼兵號七

十萬其鋒未易當吾軍遠來人馬疲乏宜深溝高壘以待從之金主以騎兵親候遼軍獲俘餉者知遼主以耶律章嘉努叛西遁二日矣諸將請追擊之金主曰敵來不迎戰去而追之欲以此爲勇耶衆皆懷愧願自效金主曰誠欲追敵約齋以往無事餽饋若破敵何求不得衆皆奮躍追及遼主於呼卜圖

舊作護步

答今改 岡是役也兵

止二萬金主曰彼衆我寡兵不可分視其中軍最堅其主必在焉敗其中軍可以得志乃使右翼先戰兵數交左翼合而攻之遼兵潰金師馳之橫出其中死者相屬百餘里獲輦帝幄兵械軍資他寶物馬牛不可勝計

金師乃還

呼卜圖開曩在開原縣東北邊外

〔六年〕遼東京有惡少年十餘乘酒執刃踰入留守府問留守蕭保先所在今軍變請爲備保先出刺殺之戶部使大公鼎聞亂卽攝留守事與副留守高清明集奚漢兵千人盡捕其衆斬之撫定其民東京故渤海地遼太祖力戰二十餘年乃得之而保先嚴酷北海苦之故有是變其裨將渤海高永昌時以兵三千屯八廝口見遼政日衰金勢方強遂覬覦非常誘渤海并戍卒入遼陽據之旬日之間遠近響應有兵八千人遼主遣蕭伊

蘇舊作乙

蘇今改高興順招之永昌拒命不從遼東京在今遼陽州八廸口在承德縣東

先是高永昌使託卜嘉求援於金且曰願并力以取遼金主使呼寶布

舊作胡沙補今改

謂永昌曰同力取遼固可東

京近地汝輒據之以僭大號則不可若能歸款當授王爵永昌不從金主乃遣幹魯帥諸軍攻永昌遇遼兵敗之遂取瀋州永昌聞之大懼使家奴喀喇舊作鐸刺今改詣金師請去僭號稱藩幹魯知其詐進兵攻之永昌遂支解

呼寶布等率衆拒金遇于活水金師既濟永昌之軍不戰而却逐北至遼陽城下明日永昌盡率其衆與金戰大敗以五十騎奔長松島遼陽人執永昌妻子以城降託卜嘉亦執永昌以獻金主命殺之於是遼之東京州

縣及南路係遼女直皆降於金金主詔除遼法省賦稅置明安穆昆以幹魯爲南路都統沃梭舊作幹今改知東京

事 瀋州今奉天府活水即瀋水在承德縣南
下流入御河長橋處在遼陽東南海中

(宣和元年)馬政等還自金主與衆議數日遂遣索多及李慶善等攜國書并北珠生金貂革人參松子同
政等來報使金使李習慶等入國門館於寶相院詔蔡京童貫及鄧文誥見之講事是時朝廷已納趙良嗣之
計將會金以國燕會牒云遼主有亡國之相王黼聞書學正陳堯臣善丹青精人倫因薦堯臣使遼堯臣即挾
遼學生二人與俱約遼主像以歸言於帝曰遼主望之不似人君臣謹畫其容以進若以相法言之亡在旦夕
幸速進兵無弱攻昧此其時也并圖其山川險易以上帝大畧取燕雲之計遂定

童貫令熙河經略使劉法取朔方法不欲行強遣之出至統安城遇夏主弟察哥率步騎三陟以當法前軍而
別遣精騎登山出其後大戰移七時兵飢馬渴死者甚衆法乘夜遁比明走七十里至盍米峽守兵追之法墜
崖折足乃斬首而去是役也喪師十萬貫隲其敗而以捷聞察哥見法首惻然語其下曰劉將軍前敗我古骨
龍仁多泉吾嘗避其鋒謂天生神將豈料今爲一小卒梟首哉其失在恃勝輕出不可不戒遂乘勝圍震武震
武在山峽中熙秦兩路不能餉自築後三歲聞知軍李明孟清皆爲夏人所殺至是城又將陷察克曰勿破此
城留作南朝病塊乃自引去宣撫使司以捷聞

震武城即古骨龍城在嶺北其北即統安城夏人界也盍米峽在統安南仁多泉疑在震武城界今大通南境

(二年)趙良嗣使金先是呼慶以正月至自登州具道金主所言并其國書達於朝王師中亦遣子環同慶詣
童貫白其事貫時受密旨圖遼欲假外援因建議遣良嗣等持御筆往仍以買馬爲名其實約夾攻還取燕京

舊地第面約不齊國君來攻之約蓋始於此趙良嗣等至蘇州守臣高國寶迎勞甚恭會金主已出師令良嗣與邊使實堪訥並從軍每行數十里輒鳴角吹笛鞭馬疾馳比明行六百五十里至上京命進攻且謂良嗣等曰汝可觀吾用兵以下去就遂臨城督戰諸軍鼓譟而進自旦至巳棟摩以麾下先登克其外城留守託卜嘉以城降良嗣等奉觴爲壽皆稱萬歲是日赦上京官民仍詔諭遼副都統耶律伊都蘇州今南海縣遼上京臨潢府在今巴林旗東北睦州清溪民方臘世居縣之場村託左道以惑衆縣境梓桐幫源諸洞皆在山谷幽險處民物警夥有漆楮杉材之饒富商巨賈多往來臘有漆園造作局屢酷取之臘怨而未敢發時吳中困於朱勔花石之擾比屋致怨臘因民不忍陰聚貧乏游手之徒以朱勔爲名遂作亂方臘自號聖公建元永樂以其月爲正月遣官吏將帥以巾飾爲別自紅巾而上凡六等無弓矢介冑惟以鬼神詭祕事相屬誅焚室廬掠金帛子女誘脅良民爲兵不旬聚衆至數萬陷清溪縣又陷休甯知縣事鞠復爲賊所執脅之使降嗣復罵賊不絕口曰何不速殺我賊曰我休甯人也公邑宰有善政前後官無及公者我忍殺公平委之而去朝廷因命嗣復知睦州進官二等臘陷歙州東南將郭師中戰死士曹掾栗先守獄詬賊過害於是婺源績溪祁門黟縣官吏皆逃去尋又陷富陽新城遂逼杭州凡賊兵所至得官必斷轡支體備盡楚毒以償積怨警奏至京師時方聚兵以圖北伐王黼匿不以聞於是附者益衆東南大震淮南發運使陳遵上言賊衆強官軍弱乞調京畿兵及購遺柏牌手並程以來不至滋蔓帝得疏大驚乃罷北伐之議以譚稹爲兩浙制置使童貫爲江淮荆浙宣撫使率禁旅及秦晉

番漢兵十五萬討之

鹽州今屬州府清懷今漢安縣場村梓桐
其村名屬州常德府漢今潼州也

(三年)淮南盜宋江以三十六人橫行河朔轉掠十郡官軍莫敢攖其鋒知亳州侯蒙上言江才必過人不若赦之使討方臘以自贖帝命蒙知東平府未赴而卒又命張叔夜知海州江將至叔夜使問者覘所向江徑趨海濱劫巨舟十餘載國寶夜募死士得千人設伏近城而出輕兵距海誘之戰先匿壯卒海旁伺兵合舉火焚其舟賊聞之皆無鬪志伏兵乘之擒其副賊江乃降

東平府今
東平州

方臘再犯杭州步軍都虞候王巖等戰於城外斬首五百級官軍與賊戰於桐廬敗之遂復睦州童貫譚稹前鋒至清河堰水陸並進臘焚官舍府庫民居宵遁清溪幫源洞真等合兵擊之臘眾尙二十萬與官軍力戰而敗深據殿屋諸將莫知所入王淵裨將韓世忠潛行谿谷問野婦得徑即挺身仗戈直前擣其穴格殺數十人擒臘以出世忠延安人也忠州防禦使辛興宗領兵截洞口掠爲己功諸將并取臘妻子及僞相方肥等五十二人於洞石穴中殺賊七萬餘人其黨皆潰臘之亂凡破六州五十二縣戕平民二百萬所掠婦女自賊洞逃出裸而縊於林中者相望百餘里詔兩浙江東被賊州縣給復三年

清河堰今曰清湖開在仁和縣北幫源洞後曰威平洞在清安縣西洞者山隄也

(四年)金都統吳克遼之高恩回紇二城陷遼中京遂下澤州遼主出唐唐關至駕轡濶聞伊都引洛索舊作改奄至憂甚樞密使蕭奉先曰伊都宗支也豈欲遼亡哉不過欲立其甥晉王耳若爲社稷計不惜一子明其

罪誅之可不戰而退會耶律薩巴

舊作撒八今改

等謀立晉王額爾溫事覺遼主召樞密蕭德裕

舊作德里底今改

等議曰

反者必以此兒爲名若不除去何以復安德勒岱唯唯遼主乃遣人縊之或勸額爾溫亡額爾溫曰安能爲最

爾之軀而失臣子之節遂就死遼主素服三日薩巴等皆伏誅額爾溫素有人望諸軍聞其死無不流涕由是

人人解體伊都引金兵逼遼主行宮遼主率衛士五千餘騎自駕驚濤走西京左企弓諫不聽倉卒出走遺傳

國璽於桑乾河金都統晃還人獻捷金主賜詔嘉之且曰山後若未可往卽營田牧俟秋大舉更當熟議見可

則行毋恃一戰之勝輒自弛慢金宗翰率偏師趨北安州遼奚王蕭錫默

舊作價未亦作遇買今改

先使人給降已而出師

國之金兵去馬殊死戰敗錫默兵追殺至莫遂取北安州金宗翰駐兵北安遣希尹略近地獲遼使衛寶訥埒

始知遼主殺其子晉王衆心益離西北西南兩路兵馬皆羸弱不可用使人報晃曰遼主窮迫於山西猶事畋

獵不卹危亡自殺其子臣民失望攻取之策幸速見諭晃使還報曰頃奉詔旨不令便趨山西當密詳徐議宗

翰知晃無意進取卽決策進兵復報晃曰初受命雖未令便取山西亦許便宜從事遼人可取其勢已見一失

機會後難圖矣今已進兵當以大軍會於何地幸以見報宗幹謂晃曰再使來請必非輕舉且彼發兵不可中

止再三言之晃乃許會師晃出青嶺宗翰出羈嶺期會於羊城濼宗望宗弼率百騎先進遼主聞金師將出嶺

西送趨白水濼宗翰幹以精兵六千襲之希尹爲前驅一日三敗遼師遼主至漠北聞金兵將近計不知所

出蕭奉先請趨來山遼主遂棄輜重乘輕騎入夾山旣至始悟奉先之不忠怒曰汝父子誤我至此今欲誅汝

何益於事恐軍心忿怒爾曹避敵苟安禍必及我其勿從行奉先下馬哭拜而去行未數里左右執其父子縛

送於金人斬其長子即以奉先及其次子昱械送金主道過遼軍奪以歸國並賜死

高恩回花二城疑在克西克騰東南遼中京大

定府即明之大南在今喀喇沁右翼之南澤州又在其南今平泉北鶻舊漢在赤城西北遼外今曰伊克勒泊自此西走不應涉桑乾河疑渡張家口外之于延水以下流入桑乾故得通謂爾北安州在今懷平縣南哈喇

和屯青嶺縣嶺皆在明開平衛今御馬廠東北羊城漢今豐政廳北奇爾泊白水灘今爾達爾東北之代哈泊夾山在吳喇特旗界遼雲內州境也

初夾攻之約蔡京童貫主之熙河鈐轄趙隆嘗極言其不可貫曰君能共此當有殊拜隆曰隆武夫豈敢干賞

以敗祖宗二百年之好異時敗辱萬死不足謝實貫不悅鄉居中亦力陳不可謂京曰公首台元老不守兩國

盟約輒造事端誠非廟算京曰上厭歲幣五十萬故耳居中曰公獨不見漢世和戎之費乎使百萬生靈肝腦

塗地公實爲之時又有安堯臣者亦上再論燕雲之事曰官寺專命倡爲北伐燕雲之役異則邊鄙遂開官寺

之權重則皇綱不振今童貫深結蔡京納趙良嗣以爲謀主故建平燕之議臣恐異時辱亡幽燕邊境有可乘

之釁強敵蓄銳伺隙以逞其欲此臣所以日夜寒心伏望思祖宗積累之艱難竊庶代君臣之得失杜塞邊隙

務守舊好無使新起之敵乘間以窺中國上以安宗廟下以慰生靈帝然之由是議稍寢及遼勢日蹙貫乃復

乞舉兵居中又言不宜幸災而動待其自斃可也不聽

童貫至高陽關用知雄州和訕計降黃榜及旗述弔民伐罪之意遂命都統制神師道盡護諸將師道諫曰今

日之舉譬如盜入鄰家不能救又乘之而分其室焉無乃不可乎以不聽分兵爲兩道師道總東路之兵趨白

溝辛興宗總西路之兵趨范村耶律淳聞之遣耶律達實蕭幹禦之師道次白溝遼人譟而前師道前軍統制楊可世敗績士卒多傷師道先令人持一巨槌自防賴以不大敗退師雄州遼人追擊至於城下辛興宗與蕭幹戰亦敗於范村遼使來言曰女直之叛本朝亦南朝之甚惡也今射一時之利棄百年之好結新起之鄰基他日之禍謂爲得計可乎救災卹鄰古今通義唯大國圖之貴不能對師道復請許之和貫不納而密勸師道助賊王黼怒責授師道右衛將軍致仕

白溝在雄縣北范村在涿州西南

金主次驚驚濼聞遼主在大魚濼乃自將精兵萬人襲之昱宗望率兵四千爲前鋒晝夜兼行追及遼主於石壁鐸軍士至者才千人遼兵二萬五千方治營壘昱與諸將議耶律伊都曰我軍未集人馬疲劇未可戰也宗望曰今追及遼主而不亟戰日入而遁則無及矣遂戰短兵接遼兵圍之數重副統軍蕭德默諭將士以君臣之義士皆殊死戰遼主謂宗望兵少必敗遂與妃嬪登高阜觀戰伊都指遼主麾蓋以示諸將宗望等遂以騎馳赴之遼主驚見大驚卽遁去遼兵遂潰宗望等還金主曰遼主去不遠蓋卽追之宗望追至鄂勒哲圖

齊作鳥里

質鐸

今改遼主棄輜重而遁蕭德默被執

大魚濼卽昂古里浦今張家口外廂黃旗牧廠西南石壁鐸在大同府西北邊外鄂勒哲圖又在其西

朝散耶宋昭上書極言遼不可攻金不可鄰異時金必敗盟爲中國患乞誅王黼望賈趙良嗣等且曰兩國之誓敗盟者禍及九族陛下以孝治天下其忍忘列聖之靈乎陛下以仁覆天下其忍使河北之民肝腦塗地乎王黼大惡之除名編管廣南金通議使高慶裔等見於崇德殿奉國君以進帝特令引上殿奏事先是金既襲

破遼天祚行帳仍占山後州縣忽聞童貫舉兵趨燕號二百萬金主與羣臣議恐爽約遂專遣使乘回船至登州且自招軍乘機撻盪及慶裔等進國書帝待慶裔等甚厚屢命貴臣主宴賜金帛不貲高麗王俱卒其相李資深立悞子楷遣路允迪弔祭先是悞求醫於朝詔二醫往留二年而還楷語之曰聞朝廷將用兵於遼見兄弟之國存之足爲邊捍女直之人不可交也業已然願二醫歸報天子宜早爲備楷還奏之帝不悅詔大中大夫趙良嗣充大金國信使保義郎馬擴副之擴父政充伴送使是日高慶裔等入辭於崇政殿帝諭以早取燕京良嗣將行以國書副本及事目示馬擴擴大驚曰金人方以不報師期恐王師下燕守官不得戢幣所以遣使通議一則欲圖音繼好二則視我國去就猶未知楊可世神師遣白溝之勦宣撫司氣沮而退也在我固當守前約且云緣貴朝不報師期疑海道難測所以不俟的音卽舉兵相應今仍趨宣撫司進兵克期下燕如此則既於夾攻元約不爽又絕日後輕侮之患奈何自布露腹心傾身倚之大事去矣良嗣愕然曰宣撫司盡力不能取若不以金幣藉女直取之何以得燕擴曰既知力不能取胡不明白燕與大金退修邊備保吾舊疆安得貪目前小利不虞後患愛寧失指耶良嗣曰朝廷之意已定不可易也遂出國門已卯遼將郭藥師以涿州來降藥師本常勝軍帥爲涿州留守聞高鳳降意勸會蕭幹自燕來派藥師疑其圖己遂偕其偏將甄五臣等擁所部八千人來降童貫以聞詔授藥師恩州觀察使以兵隸劉延慶

癸巳童貫遣劉延慶將兵十萬出雄州以郭藥師爲鄉導渡白溝延慶軍無紀律藥師諫曰今大軍拔隊而行

不設備若敵人置伏邀擊首尾不相應則望塵決潰矣不聽至賈卿幹率眾來拒延慶與戰而敗遂閉壘不出藥師曰幹兵不過萬人今悉力拒我燕山必虛願得奇兵五千倍道襲之城可得也因請延慶子光世簡師為後繼延慶許之遣大將高世宣楊可世與藥師率兵六千夜半渡盧溝倍道而進質明常勝軍頭王臣領五千騎奉迎春門以入藥師等繼至陳於憫忠寺遣人諭蕭妃使速降蕭妃密報蕭幹幹舉精甲三千還燕巷戰光世渝約不至藥師失援而敗與可世乘馬縋城而出殺傷過半世宣死焉延慶營於盧溝南幹分兵斷餉道擒護糧將王淵得漢兵二人蔽其目留帳中夜半偽相語曰吾師三倍漢兵當分左右翼以精兵衝其中左右翼為應舉火為期殲之無遺既言乃陰逸一人歸報延慶聞而信之明旦見火起以為敵至即燒營而遁士卒蹂踐死者百餘里幹因縱兵追至涿水而去自熙豐以來所儲軍實殆盡退保雄州燕人知宋之無能為作賦及詩歌以誚之

金主自將伐燕京宗望率七千先之實古訥

舊作習古乃今改

出得勝口尼楚赫

舊作銀尤可今改

出居庸關洛索

舊作崇室今改

左翼博勒和

舊作德盧火今改

為右翼遼蕭妃五上表於金求立秦王定金主不許遼人遂以勁兵守居庸關金兵至

關崖石自崩遼戍卒多厭死遼人不戰而潰金兵度關而南遼統軍都監景睦

舊作高六今改

等送款於金辛卯金主

至燕京遂自南門入使尼楚赫洛索陳於城上金主次城南遼宰相左企弓參政虞仲文康公弼樞密使曹義

男張彥忠劉彥宗等奉表降請金營請罪金主並釋之命守舊廨於是遼五京皆為金有

金復遣李靖王度喇與趙良嗣等同來夏國至金主軍前金主謂曰數年相約夾攻而汝國不出師復不遣報今將若何夏國對曰夾攻雖是元約據昨奉聖州軍前別議特許燕京不論夾攻與否今月二日本朝於承清擊定蕭幹追至燕京雖非夾攻亦其意也金主曰夾攻且勿言其平瀾等州未嘗議及如何欲取若必欲取平瀾并燕京亦不與矣便令夏國歸館居四日詔趣令南使辭歸夏國曰今合議事甚多略未審及而遽令辭何也薩魯謨曰皇帝已怒遂令入辭以國書副本示夏國夏國曰自古及今租稅隨地豈有與其地而不與其稅租者可削去此事宗翰曰燕自我得之賦稅當歸我大國熟計之若不見與請速退澤州之師無留吾疆於是復以國書遺夏國及靖等

得勝口在昌平西北遼五京東京今遼陽州西京今大同府南京今順天府中京上京已見宋興金約但求石晉歸契丹故地初不恤其無營平三州也營平二州據

王伯厚以爲契丹攻得之瀾州乃契丹自置故金主云云

〔五年〕先是趙良嗣見金主曰本朝徇大國多矣豈平瀾一事不能相從邪金主曰平瀾欲作邊鎮不可得也遂議租稅金主曰燕租六百萬今止取一百萬亦不爲多不然還我涿易薊疆及常勝軍吾且提兵按邊良嗣曰本朝自以兵下涿易今乃云爾豈無曲直邪且嘗御筆許十萬至二十萬不敢擅增乃令夏國以國書露報時金人得左企弓諜目與之謀以爲南朝雅畏契丹加以劉延慶之敗益有輕我心企弓嘗獻詩曰君王莫聽捐燕議一寸山河一寸金故金人欲背初約要求不已然南使過盧溝金人悉斷其北橋梁焚次舍蓋亦恐我不從而自防也其書略言貴朝兵今不克夾攻特因己力下燕今據燕管內每年租六百萬良嗣等稱御筆

許二十萬以上不敢自專其平瀼等州不在許限備務使求難終信義仍速追過界之兵王勳欲功之速成乃請復遣使從之

〔五年〕章以蔡攸入燕山府燕之金帛子女職官民戶爲金人席卷而東損歲幣數百萬所得者空城而已或告燕人曰汝之東遷非金人意也南朝留常勝軍利汝田宅給之耳燕人皆然因說宗翰不當與南朝全燕宗翰因欲止割涿易兩州金主曰海上之盟不可忘也異日汝等自圖之金使楊璞同盧益趙良嗣等至齊國書并誓書以進良嗣私語人曰只可保三年爾時上下皆知金必渝盟而莫敢言

金人遣人招遼主歸附遼主答書請和既而金人都送遼之族屬輜重東行遼主憤舉族見俘以兵五千餘決戰於白水溪宗望以千兵擊敗之遼主相去百步遁去獲其子趙王寶訥均舊作習泥烈今改及遼主寶追二十餘里

悉得其從馬獻驥於行在宗望復以書招之諭以石晉北燕故事遼主遁入雲內徙御軍弱特默格挾梁王雅里馳赴之從者千餘人夏國主乾順遣使請遼主臨其國遼主從之中軍都統蕭迪里等切諫不聽遂渡河金宗望趨天德聞夏人迎遼主遼主已渡河乃遣書於夏使執送遼主且許割地按雲內州在吳曠特旗界渡河而南卽西夏矣唐天德軍

在河
北岸

左企弓等爲金都燕人東徙流離道路不勝其苦通平州遂入城言於張覲曰左企弓不能守燕致吾民如是公今臨巨鎮擁重兵盡忠於遼免我遷者非公而誰歟遂召官屬議皆曰聞天祚兵勢復振出沒漠南公若仗

義勳王奉迎天祚以圖恢復先責左企弓等叛國之罪而誅之盡歸燕民使復其業而以平州歸宋則宋無不
接納平州遂爲藩鎮矣卽後日金人加兵內用營平之軍外藉宋人之援又何懼焉穀曰此大事也當審畫以
翰林學士李石明智召而問之石以爲然遂拘兩府左企弓虞仲文曹義勇康公弼至灤河西數其罪曰天祚
播遷夾山不卽奉迎一也勸皇叔秦晉王僭號二也詆訐君父降封湘陰三也天祚遣官來議事而殺之四也
檄書始至有迎秦拒湘之議五也不守燕而降六也臣事於金七也括燕財以悅金八也使燕人遷徙失業九
也教金人先下平州十也爾有十罪所不容缺企弓等無以對皆殺之仍稱保大三年盡天祚像朝夕臨事
必告而後行稱遼官秩旋以榜諭燕人令各安堵如故田宅爲常勝軍所占者悉還之燕人大悅穀乃遣人持
書來請降王勸帝納之趙良嗣諫曰國家新與金盟如此必失其歡後不可悔不聽

按平州今永平府懷柔縣
平州營州舊立於昌黎

郭藥師大敗蕭幹於峯山燕京既陷幹就奚王府自立爲神聖皇帝國號大奚改元天嗣時奚人饒幹出盧龍
嶺攻破景州又敗常勝軍張令徽劉舜臣於石門鎮陷薊州寇掠燕城其鋒銳甚有涉河犯京師之意人情洶
洶頗有謀竊燕者重貫自京師移文王安中詹度郭藥師等切責之已而安中命藥師擊破其衆乘勝窮追過
盧龍嶺殺傷大半從軍之家悉爲常勝軍所得招降奚渤海五千餘人生擒阿嚕獲遼太宗尊號寶檢契丹塗
金印等幹遁去尋爲其部下巴爾達喀所殺傳首河間府詹度上之

按峯山疑卽箭筈山今名茶盤山在撫陽縣東北盧龍嶺在永平府北景州卽遷化

州石門嶺在撫甯
東北河潞水也

金遣宗望督揔攻平州會張覲聞朝命將至大喜率官吏郊迎金人謀知之以千騎襲破平州得朝廷所賜詔旨覲挺身走欲間道歸京師其弟懷御筆將奔燕山以其母爲金人所得復往投之而覲母及妻已爲金人所戮并得覲弟所懷御筆金人大怒覲遁燕山郭藥師留之匿姓名寄常勝軍中金人累檄宣撫司取覲宣撫司具奏朝廷初不欲發遣金人索之益急王安中取貌類覲者斬其首與之金人曰非覲也遂欲以兵攻燕安中言必不發遣恐敗兵端朝廷不得已令安中綴殺之函其首并覲二子送於金燕降將及常勝軍士皆泣下郭藥師曰金人欲覲卽與若求藥師亦與之乎安中懼因力求罷張令徽等由是切齒而常勝軍亦解體矣

初耶律達實

北行三月過黑水見白達勒達詳袞崇烏魯

舊作牀吉兒今改

崇烏魯獻馬四百騮二十羊若干西至哈

屯

舊作可教今改

城駐北庭都護府會西鄙七州及十八部王諭之曰我祖宗艱難創業歷世九主歷年二百金以臣

屬逼我國家殘我黎庶屠翦我州邑使我天祚皇帝蒙塵於外日夜痛心疾首我今仗義而西翦我仇敵復我

疆宇惟爾衆庶亦有思共救君父濟生民之難者乎遂得精兵五萬餘於是置官吏立排甲具器仗以青牛白

馬祭天地祖宗整旅而西先遣書回飭王必勒哈

舊作畢勒哥今改

曰吾與爾國非一日之好今我將西至大食假道

爾國其勿致疑必勒哈得書卽迎至邸大宴三日臨行獻馬騮羊願質子孫爲附庸送至境外所過敵者勝之

降者安之兵行萬里歸者數國獲財畜不可勝計軍勢日盛至塔什干

舊作壽思干今改

西域諸國舉兵十萬號呼拉

沙舊作忽蘭來拒戰兩軍相望二里許敵將士曰彼軍雖多而無謀攻之則首尾不救我師必勝乃遣蕭顯

堪舊作幹里耶律松山等將兵攻其右蕭顯拉布舊作利阿耶律穆蘇舊作木等將兵攻其左自以眾攻其中

三軍俱進呼拉沙大敗僞屍數十里駐軍搭什干凡九十日回國王來降貢方物又西至奇爾愛雅舊作起

改文武百官冊立遼寶為帝是月五日即位改元延慶號舊作萬見復上漢尊號曰天祐皇帝世謂之

西遼按此黑水未能指實其為真雍州之黑水城在今肅州哈屯城疑今木壘城北庭唐庭州今廣木壘城西

罕

金主詔諸將南伐時金人都署已定而舉朝不知道使往來泄泄如平時童貫至太原馬擴辛興宗復詣雲中

使宗翰軍諭以得旨且交聘應飛孤靈邱餘悉還金仍覘其國有無南侵意擴等至軍前宗翰嚴兵以待趣擴

等庭參如見金主禮畢首讓山後事宗翰曰先帝與趙皇交好各立誓書萬世無毀不謂貴朝違約陰納張

穀收燕京逃去官民本朝歷牒追還第以虛文見給今當略辨是非擴曰本朝緣譚稷昧大計輕從張穀之請

上深悔之願國相存舊好不以前事置胸中乞且交聘應飛孤靈邱之地宗翰笑曰汝尚欲此兩州兩縣邪山

前山後皆我家地復何論汝家州縣消數城來可贖罪也汝輩可即辭吾自遣人至宣撫司矣金人自擒天祚

之後欲南下意尚猶豫會常勝軍首領韓民義怨守臣辛綜率五百餘人見宗翰曰常勝軍惟郭藥師有南向

心如張令徽劉舜臣之徒以張穀故皆歛望由是劉彥宗耶律伊都輩力勸金人言南朝可圖仍不必用眾因

將就兵可也故宗翰決意南伐而有是言翼日館中供具甚厚薩里穆爾笑謂馬擴曰待使人止此回矣

金人破蘭州朝廷以故事遣吏部員外郎傅察迎金賀正旦使於玉田縣時金已渝盟或勸毋遽行察曰受使以出問難而止若君命何遂行遇宗望促之使拜白刃如林或捧之伏地衣袂顛倒愈植立不顧曰我有死而已膝不可屈也遂殺之金使王介儒薩里穆爾至太原出所齎書說張燾渝盟等事其語僞甚馬擴曰兵凶器天道厭之貴朝滅契丹亦藉本朝之力今一旦渝盟舉兵相向豈不顧南朝積累之國若稍飭邊備安能遽敵邪薩里穆爾曰國家若以貴朝可憚則不長驅矣移牒且來公必見之莫若遣童大王連割河東河北以大河爲界存宋朝宗社乃至誠報國也翼聞之燾不知所爲卽與參謀宇文虛中等謀赴闕稟議知太原府張孝純止之曰金人渝盟大王當會諸路將士竭力支吾今大王去人心必搖是棄河東與金也河東旣失河北豈可保邪願少留共圖報國兼太原地險城堅人亦習戰未必金便能克也翼曰貴受命宣撫非守土也必欲留翼置帥臣何爲遂逃歸京師孝純歎曰平生童太師作幾許威望及臨事乃舊縮畏懦素頭鼠竄何面目見天子乎

初郭藥師與詹度同職自以節鉞欲居度上度以御筆所書有序不從常勝軍士橫暴度不能制朝廷慮其交惡命蔡靖代度靖至坦懷待之藥師亦重靖稍爲抑損而知燕山府王安中但譖事之宰相亦曲徇其意所請無不從遂專制一路增募兵號三十萬而不改契丹服飾朝論頗以爲疑盛進拜太尉召之入朝藥師辭不至

帝令重賁行邊陲察其去就欲挾之偕來賁至藥師迎於易州遂邀賁視師至於迴野略無人迹藥師下馬當賁前揮旗一揮俄頃四山鐵騎耀日莫測其數賁衆皆失色歸爲帝言藥師必能抗北蔡攸亦從中力主之謂其可倚故內地不復防制屢有告變及得其通金國書宰相輒不省廢度亦言藥師膽視非常趨向懷異始詔遣官究實而金兵已南下宗望至燕山藥師率軍郊迎之執靖及都轉運使呂頤浩副使李與權以降於是燕山府所屬州縣皆爲金有宗望既得藥師益知虛實因以爲鄉導懸軍深入矣

十二月己未下詔罪己其略曰言路壅蔽導諛日聞恩倖持權貪黷得志搢紳賢能陷於黨籍政事興廢拘於紀年賦斂竭生民之財戍役困軍伍之力多作無益侈靡成風利源酷極已盡而謀利者尙肆誅求諸軍衣糧不時而充食者坐享富貴災異譴見而朕不悟衆庶怨懟而朕不知追惟己愆悔之何及詔宇文虛中所草也又令中外直官極諫郡邑率師勸王募草澤異才有能出奇計及使疆外者諸局及西城所見管錢物並付有司其拘收到元係百姓地土並給還舊佃人減接庭用度待從官以上月廩罷遣官并宮觀撥賜田土及大晟府教樂所行幸局采石所凡釐革弊端數十事詔草既進帝覽之曰一一可便施行今日不吝改過

先是有旨幸淮浙詔集從臣赴都堂問計給事中直學士院吳敏入對敏率給舍詣都堂曰朝廷便爲棄京師計何左也此命果行雖死不奉詔敏於是奏曰聞陛下巡幸之計已決有之乎帝未應敏曰以臣計之今京師聞金大入人情震動有欲出奔者有欲守有欲因而反者以三種人共守一國必破帝曰然奈何敏曰陛下

定計巡幸萬一守者不固則行者必不達帝曰正憂此敏曰陛下使守者威福足以專用其人則守必固守固則行者達矣帝稍開納敏遂以劄子薦太常少卿李綱曰綱明篤剛正忠義許國自育有奇計長策願得召見蓋綱嘗在敏家爲敏言上宜傳位如天寶故事與敏意合故薦之帝令綱來日候對於文字外庫先是綱上禦戎五策曰正己以收人心聽言以收士用善財穀以足軍儲蓄號令以尊國勢施惠澤以弭民怨因謂敏曰敵勢猖獗非傳位太子不足以招徠天下豪傑敏曰監國可乎綱曰肅宗建號之義不出於明皇後世惜之主上聰明仁慈公言萬一得行將見金人悔禍宗社底甯天下受其賜翼日復刺臂血上疏請之帝乃除敏門下侍郎輔太子以宇文虛中爲保和殿大學士河北東路宣諭使虛中初爲童貫參議官以廟謨失策主帥非人將有納侮自焚之禍上君極言主帥大怒又累建防邊策議皆不報及金兵南下虛中隨貫還朝勸帝下罪己之詔以感動人心至是召熙河經略使姚古秦鳳經略使种師道令以本路兵會鄜洛外援河陽內衛京城遂命虛中宣諭使護其軍虛中以檄召古師道令直赴汴京應援庚申下詔內禪皇太子卽位於福甯殿是月金宗望破信德府宗翰圍太原府詔京東淮西募兵入衛燕山都監武漢英從宗望南伐見金得中國人皆不殺行將至真定漢英說之曰某猶不知大國用兵之意況中國之人乎是宜其不降今睹所擒獲皆不殺人安得戶曉謂如某等使得諭之則河北堅城可不戰而下也宗望喜乃多出文榜命漢英出塞傳誘諭諸部漢英遂徑走關下具以其情告於朝曰金人之謀深矣謂中國獨西兵可用耳今以宗翰一軍下太原取洛陽

要絕西兵援路且防天子幸蜀宗望一軍下燕山真定直掩東都二軍相會而後還其大欲未知何以禦之時方內禪而漢英適至大臣憤耗益猶豫戰避之議皆未決太常少卿李綱上封事言陛下履位之初當上應天心下順人欲攘除外患使中國之勢每誅鋤內姦使君子之道長以副太上皇帝付託之意召對於延和殿除兵部侍郎綱初得親帝迎謂曰卿頃論水災章疏朕在東宮見之至今猶能誦憶綱敘謝訖因奏曰今金兵先聲雖若可畏然固有內禪之意事勢必消縮請和厚有所邀求於朝廷臣竊料之大概有五欲稱尊號一也欲得歸朝人二也欲增歲幣三也欲求犒師之物四也欲割疆土五也欲稱尊號如契丹故事當法以大事小之意不足惜欲得歸朝人當悉以與之以示大信不足惜欲增歲幣遂告以和約全歸燕雲故歲幣視遼增兩倍今既背約自取之則歲幣當減國家敦示犒好不校貨財姑如元數可也欲求犒師之物當量力以與之至於疆土則祖宗之地子孫當以死守不得以尺寸與人願陛下留神於此數者執之至堅勿爲浮議所搖可無後艱也并陳所以禦敵固守之策帝皆嘉納之送有此命

按信德今順德府

（欽宗靖康元年）正月以兵部侍郎李綱爲尙書右丞東京留守同知樞密院李梈副之時從官以邊事求見者皆非時賜對綱侍班延和殿中適宰執奏事議欲奉鑾輿出狩襄鄧綱語知東上閤門事朱孝莊曰有急切公事欲與宰執廷辨孝莊曰舊例未有宰執未退而從官求對者綱曰此何時而用例也孝莊卽具奏詔引綱立於執政之末因取奏曰聞諸道路宰執欲奉陛下出狩避敵果有之宗社危矣且道君皇帝以宗社之故傳

位陛下今捨之而去可乎帝默然白時中曰都城豈可以守綱曰天下城池豈復有如都城者且宗廟社稷百官萬民所在捨此欲何之若能率厲將士慰安民心豈有不可守之理時內侍陳良弼領京城所自內殿出奏曰京城樓櫓創修百未及一二又城東樊家岡一帶濠河淺狹決難保守願詳議之帝顧綱曰卿可同蔡懋良弼往觀朕於此候卿綱詣東壁觀城濠回奏延和殿帝顧問如何綱曰城堅且高樓櫓誠未備然所以守不在此濠河唯樊家岡一帶以禁地不許開之誠爲淺狹然可以精兵驅勢據也帝顧大臣曰策將安出皆默然綱進曰今日之計莫如整厲士馬聲言出戰固結民心相與堅守以待勤王之師帝曰誰可將者綱曰朝廷平日以高爵厚祿富養大臣蓋將用之於有事之日今白時中李邦彥等雖書生未必知兵然藉其位貌撫馭將士以抗敵鋒乃其職也時中厲聲曰李綱莫能出戰否綱曰陛下不以臣爲懦備使治軍願以死報第人微官卑恐不足以鎮服士卒帝問執政有何陳趙野以尙書右丞對帝卽命除綱右丞卽時賜袍帶并笏綱服之以謝且言方時艱難臣不敢辭乃命綱視爲留守綱力陳所以不可去之意且言唐明皇開潼關失守卽時幸蜀宗社朝廷碎於賊手累年後僅能復之范祖禹謂其失在於不能堅守以待勤王之師今陛下卽大位中外欣戴四方之兵不日雲集敵騎必不能久留捨此而去如龍脫於淵車駕朝發而都城夕亂雖臣等留守何補於事宗廟朝廷且將邱墟願陛下審思之帝意頗回而內侍王孝竭從旁奏曰中宮國公已行陛下豈可留此帝色變降榻曰卿等毋執朕將親往陝西起兵以復都城決不可留此綱泣拜俯伏以死請會燕越二王至亦以

固守爲然帝意稍定顧謂綱曰朕今爲卿留治兵禦寇專以委卿綱受命與稅同出宿於尚書省中贊明綱入朝見禁衛軍乘輿服御皆已陳列大宮樓被將升車綱厲聲謂禁衛曰爾等願以死守宗社乎願屈從以延幸乎皆呼曰願以死守綱出與殿帥王宗德等入見曰陛下已許臣留今復戒行何也大軍之父母妻子皆在都城豈肯捨去萬一中道散歸陛下孰與爲衛且敵騎已逼彼知乘輿之去未遑以備馬疾追何以禦之帝感悟始命輟行綱傳旨謂左右曰上意已定敢復有言去者斬因出傳旨禁衛皆拜伏呼萬歲德門百官將士班樓前起居帝降輦勢問將士命李綱與敏敘金人渝盟欲危宗社決策固守各令勉厲之意傳聞門官宣諭大軍將士皆感泣流涕於是固守之議始決命綱爲親征行營使侍衛親軍馬軍都指揮使許便宜從事金宗望軍至京城西北屯牟駝岡天驕監獨豆山積與時郭藥師來朝得旨打碁於其間金人兵至徑趨其所藥師導之也自金騎叩河梁方平焚橋而過金人不得遽渡取小舟能容數人者以濟凡五日騎兵方絕步兵猶未集也旋濟旋行無復隊伍既據牟駝岡獲馬二萬匹笑謂沈瑄曰南朝可謂無人若以一二千人守河我輩豈得渡哉是日金人攻宣澤門以火船數十順流而下李綱臨城募敢死士二千人列布拐子城下火船至摘以長鈎投石碎之又於中流排置樅木及運蔡京家山石疊門道間就水中斬獲百餘人追旦始定自帝御樓之後方治都城四壁守具以百步法分兵備禦每壁用正兵萬二千餘人而保甲居民廂軍之屬不與焉修樓櫓挂望寨安敵座設弩牀運輒石施炮炬垂欄木備火油凡防守之具畢備四壁各以從官宗室武臣爲提

舉官諸門皆以中貴大小使臣分地而守又團結馬步軍四萬人爲前後左右軍中軍八千人有統制統領將領隊將等日肄習之以前軍居通津門外護延豐倉倉有豆粟四十餘萬石其後勦王之師集城外者賴之以濟後軍居朝陽門占樊家岡使金騎不敢近而左右中軍居城中以備緩急自五日至八日治戰守之具嚴畢

而敵兵抵城下矣

按宣澤門城西北汴河水門通津門城東南汴河北水門朝陽門在通津門北東面第二門也

以駕部員外郎鄭望之充軍前計議使親衛大夫高世則副之望之奉命卽行少頃金亦遣吳孝民來金使孝民言願遣親王宰相到軍前議和帝顧宰執未有對者李綱請行帝不許命李稅奏使望之世則副之宰執退綱獨留問所以不遣之旨帝曰卿性剛不可以往綱對曰敵氣太銳吾大兵未集固不可以不和然所以和者得策則中國之勢遂安不然禍患未已宗社安危在此一舉李稅柔懦恐誤國事因言敵人貪婪無厭又有燕人狡獪以爲之謀必且張大聲勢過有邀求如朝廷不爲之動措置合宜彼當斂而退若朝廷震懼一切與之彼知中國無人益肆覬覦憂未已也金人移壁開遠門李綱方入對外報敵攻通天景陽門一帶甚急帝命綱督將士捍禦綱詰禁衛班直發射者千人以從敵方渡壕以雲梯次城班直乘城射之皆應弦而倒將士無不賣勇近者以手敵楯木擊之遠者以神臂弓射之又遠者以牀子弩坐敵及之而金人有乘筏渡壕而溺者有登梯而墜者有中矢石而暗者紛紛甚衆又募壯士數百人縋城而下燒雲梯數十座斬獲酋首數十級敵又攻陳橋封邱衛州等門矢集城上如鴈毛綱登城督戰帝遣中使勞問手劄褒賚給內庫酒銀碗采綱等以

將士人皆歡呼自卯至未甲間殺獲凡數千乃退武泰軍節度使何繼死之

按開運西面中門通天北西面
順門長陽北而東頭門陳橋即

天波門封邱縣景龍門衛州
縣陳橋門然三門皆內城也

帝退朝康王入毅然請行曰敵必欲親王出質臣爲宗社大計豈應辭避卽以爲軍前計議使張邦昌高世則
副之康王詣殿陽見宰執李稅曰大金恐南朝失信故欲親王送至河耳王正色曰國家有急死亦何避聞者
懷然宰執進呈金人所須之目李綱力爭謂稿師金幣其數太多雖竭天下之財且不足況都城乎太原河間
中山國家屏蔽號爲三鎮其實十餘郡地塘堦險阻皆在焉割之何以立國又保塞翼祖順祖僖祖陵寢所在
子孫奈何與人至於遣使宰相當往親王不當往今日之計莫若擇使姑與之議所以可不可者金幣之數令
有司會計少遲數日大兵四集彼以孤軍深入重地勢不能久留必求速歸然後與之盟則不敢輕中國而和
可久也宰執議不合綱因求去帝慰諭曰卿第出治兵益固城守此事當徐議之綱復曰金人所須宰執欲一
切許之不過欲脫一時之禍他日付之何人陛下願更審慮恐後悔無及帝不聽卽以誓書授李綱往綱尙留
三鎮詔并不遣冀少遲延以俟勦王兵集徐爲後圖也張邦昌從康王詣金營自午至夜分始達時勦王之師
踵至日或數萬人四壁各置統制官糾集給糧糧授器甲立營寨圍隊伍皆行營司主之統制官馬忠以京西
募兵至遇金人於順天門外乘勢擊之殺獲甚衆范瑗將萬騎自京東來營於馬監之側王師稍振勦王兵
未集金人氣驕甚橫行諸邑旁若無人至是始懼游騎不敢旁出自京城以南民稍莫居矣

按保塞今
清涼縣

河北河東路制置使种師道武安軍承宣使姚平仲以涇原秦鳳兵至初師道被詔勦王閼命卽行過姚平仲有步騎七千與之俱北至雒陽聞宗望已屯京城下或言敵勢方銳願少駐汜水以謀萬全師道曰吾兵少若遲回不進形見情露祇取辱耳今鼓行而前彼安能測我虛實都人知吾來士氣自振何憂敵哉揭榜沿道言种少保領西兵百萬來遂趨汴水南逕逼金營金人懼徙特稍北斂游騎但守牟駝岡增壘自衛時師道年高天下稱爲老种帝聞其至喜甚開安上門命李綱迎勞時已議和入見帝問曰今日之事卿意如何對曰金人不知兵豈有孤軍深入人境而能善歸乎帝曰業已講和矣對曰臣以軍旅之事事陛下餘非所敢知也李綱言於帝曰勦王之師漸集兵家忌分非節制歸一不能濟願敕師道平仲兩將聽臣節制帝不聽曰師道老而知兵且職位已高與卿同官替卿職可也於是別置宣撫使令師道爲之以平仲爲都統制應四方勦王兵並隸宣撫司又撥前後軍之在城者屬之而行營司所統者獨左右中軍而已帝屢申飭兩司不得侵紊而節制既分不相統屬宣撫司所欲行者往往託以機密不復關報自是權始分

按安上南面西頭門

是月癸亥大霧四塞李綱李邦彥吳敏种師道姚平仲折彥質同對於福甯殿議所以用兵者綱奏曰金人張大其勢然其實不過六萬又大半皆奚契丹渤海部落吾勦王之師集城下者二十餘萬固已數倍之矣彼以孤軍入重地猶虎豹自投檻穽中當以計取之不可與角一旦之力爲今之策莫若扼關津絕糧道禁抄掠分兵以復畿北郡邑俟彼游騎出則擊之以重兵臨敵營堅壁勿戰如周亞夫所以困七國者待其糧盡力疲然

復以將帥繳取誓書復三鎮縱其北歸中渡而後擊之此必勝之計也帝然之宣撫司都統制姚平仲率步騎萬人剗金營以敗還初神師道以三鎮不可棄城下不可戰朝廷固堅守和議俟姚平仲來兵勢益甚然後使人往諭金人以三鎮係國家邊要決不可割甯以其賦入增作歲幣庶得和好久遠如此三兩返勢須遲遲半月重兵密邇彼必不敢遽去剗掠孽生監糧草漸竭不免北遁俟其過河以騎兵尾襲至真定中山兩鎮必不肯下彼腹背受敵可以得志會綱主平仲之謀師道言卒不用平仲古之養子也帝以其驍勇屢召對內殿賜予甚厚許以成功當受節鉞平仲謹欲夜叩金營生擒宗望奉康王以歸而其謀泄金先事設備故反爲所敗金人以是責康王張邦昌恐懼涕泣王不爲動李綱會行營左右軍將士質明出景陽門與金人鏖戰於縣天坡斬獲甚衆復攻中軍綱親率將士以神臂弓射却之師道復言剗寨已誤然兵家亦有出其不意者今夕再遣兵分道攻之亦一奇也如猶不勝然後每夕以數千人擾之不十日敵人遁矣李邦彥等畏懦不能用帝滿意平仲必成功既而失利宰執臺諫交言西兵勦王之師及親征行營司兵爲敵所殲無復存者帝大驚有詔不得進兵遂罷綱尙書右丞親征行營使以蔡懋代之因廢行營使司止以守禦使總兵事蓋欲罪綱以謝敵也綱詣崇政殿求對既至殿門開罷命乃退處浴堂待罪懋會問行營司兵所失才百餘人而西兵及勦王之師折傷千餘人餘並如故是夕帝降親筆勞綱賜白金五百兩錢五十萬且令吳敏論復用之意綱感泣以謝康王及宇文虛中張邦昌還自金營宗望欲退師遣韓光裔來告辭帝遣虛中齎李綱所留劄三鎮詔書以往

初金人攻城蔡懋憲不得輒施矢石將士積憤及綱復用下令能殺敵者厚賞衆無不奮躍金人稍有懼心既得三鎮詔書又肅王爲質遂不俟金幣數足引兵北去京師解嚴种師道請乘金人半濟擊之帝不許師道曰異日必爲中國患御史中丞呂好問言於帝曰金人得志益輕中國秋冬必傾國復來禦擊之備當速講求不聽

李綱言澶淵之役雖與遼人盟約及其退也猶遣重兵護送之蓋恐其無所忌憚肆行擄掠故也金人之去三日矣初謂其以船筏渡河今繫橋濟師一日而畢蓋遣大兵用澶淵故事護送之帝可其請於是分遣將士以卒萬餘數道並進且戒諸將度便利可擊卽擊之將士受命踴躍以行而宰相咎綱盡遣城下兵追敵恐倉卒無措急徵諸將諸將已迫及金人於邢趙聞遽得還師之命無不扼腕比綱力爭復追而將士解體矣

种師道罷爲中太一宮使中丞許翰言師道名將沈毅有謀不可使解兵柄帝謂其老難用翰曰秦始皇老王翳而用李信兵辱於楚漢宣帝老趙充國而卒能成金城之功自呂望以來以老將收功者雖一二數師道智力未衰雖老可用也帝不納翰又言金人此去存亡所繫當令一大創使失利去則中原可保四夷可服不然將來再舉必有不敎之患宜遣師道邀擊之帝亦不聽始帝使翰見師道師道不語翰曰國家有急詔翰來訪所疑公勿以書生之故不肯言師道乃曰我輩彼寡但分兵結營控守要地使彼糧道不通坐以持久可破翰深服之

初宗翰聞宗望和亦遣人來索賂宰相以勸王兵大至拘其使而不與宗翰怒乃分兵破柝代折可求以顯
府兵劉光世以鄴兵援河東皆爲所敗遂圍太原月餘不能下適平陽義軍叛去攻破威勝軍遂引金人入
南平關破降德府知府張確通判趙伯葵司錄張彥通死之確邠州宜祿人初道君卽位應詔上書言十事乞
誅六姦退小人進賢能開禁錮起老成擢忠無恩邊事修文德廣言路容直諫及守隆德聞金人南下表言河
東天下根本無河東豈特秦不可守汴亦不可都矣若得秦兵十萬人猶足以抗敵書累上不報金兵至確乘
城固守金人知城中無備諭使降確曰確守土臣當以死報國頭可斷腰不可屈也乃戰而死金人次高平舉
朝震懼命統制官郝懷將兵一萬屯河陽扼太行琅車之險以种師道爲河北宣撫使駐滑州以姚古爲制置
使總兵援太原以种師中爲制置副使援中山河間諸郡

接威勝軍今沁州
隆德府今壽安府

制置副使种師中與金人戰於榆次縣死之時太原圍不解詔師中由井陘與姚古犄角師中進次平定軍乘
勝復討陽榆次等縣留屯真定宗翰之還西京也留兵分就畜牧覘者以爲將北走告於朝許翰信之數遣使
趣師中出戰責以逗撓師中歎曰逗撓兵家大戮也吾結髮從軍今老矣忍受此爲罪乎卽日辦嚴約姚古及
張頤俱進而輜重賞犒之物皆不暇從行師中抵壽陽之石坑爲金將完顏和尼所襲五戰三勝回趨榆次至
殺熊嶺去太原百里姚古將兵至威勝統制焦安節妄傳宗翰將至故古與頤皆失期不會師中兵飢甚敵知
之悉眾攻右軍右軍潰而前軍亦奔師中獨以麾下死戰自卯至巳士卒發神臂弓射退金人而賞賚不及皆

懷恩散去所留才百人師中身被四創力疾闕死師中老成持重爲時名將既死諸軍無不奪氣金乘勝進兵

迎古過於盤陀古兵潰退保隆德事聞贈師中少師

按石耽在壽陽東南養熊嶺在西六十里近榆次縣盤陀山在那縣東五里

以知樞密院事李綱爲河北河東路宣撫使援太原京師自金兵退上下恬然置邊事於不問綱獨以爲憂上備邊禦敵八策不見聽用每有議復爲耿南仲等所沮及姚古种師中敗潰种師道以病丐歸南仲等請棄三鉅綱言不可乃以綱爲宣撫使劉幹副之以代師道又以解潛爲制置副使以代姚古綱言臣書生實不知兵在國城中不得已爲陛下料理兵事今使爲大帥恐誤國事因拜辭不許或謂綱曰公知所以遣行之意乎此非爲邊事欲緣此以去公則都人無辭耳公不起上怒且不測奈何許翰復書杜郵二字以遺綱綱不得已受命帝手書裴度傳以賜之綱言寇攘外患可除小人在朝難去因書裴度論元稹魏洪簡章疏以進時宣撫司兵僅萬二千人綱請銀絹錢各百萬僅得二十萬庶事皆未集綱入對帝曰卿爲朕巡邊便可還朝綱曰臣之行無復還理臣以愚直不容於朝使既行之後無有沮難則進而死敵臣之願也萬一朝廷執議不堅臣自度不能有爲即當求去陛下宜察臣孤忠以全君臣之義帝爲感動陸辭又爲帝道唐恪等昌之姦任之必誤國綱甚激切

李綱留河陽十餘日練士卒修造器甲之屬進次懷州造戰車期兵集大舉而朝廷降詔罷滅所起兵綱上疏言河北河東日告危急未有一人一騎以副其求奈何甫集之兵又皆散遣且以軍法數諸路起兵而以寸紙

罷之臣恐後時有所號召無復應者矣疏奏不報趨赴太原綱乃遣解潛屯威勝軍劉鈐屯遼州幕官王以甯與都統制折可求張思正等屯汾州范瓊屯南北關皆去太原五驛約三道並進時諸將皆承受御書事皆專違違退自如宣撫司徒有節度之名多不遵命綱嘗具論之雖降約束而承受專違自若於是劉鈐兵先進金人併力禦之鈐兵潰潛與敵遇於關南亦大敗思正等領兵十七萬與張淵夜焚金洛索軍於文水小捷明日戰復大敗死者數萬人可求師潰於子夏山於是威勝軍隆德府汾晉澤絳民皆渡河南奔州縣皆空復以神師遣爲兩河宣撫使李綱以張淵等違節制而敗又上疏極論節制不專之弊且言分路進兵敵以全力制吾孤軍不若合大兵由一路進及范世雄以湖南兵至因薦爲宣撫判官欲合衆親率擊敵會以議和止綱進兵綱亦求罷遂召還以師道代之

按威勝軍今沁州南北關靈石縣之陽源南北二關也子夏山卽懸泉山在文水縣西南汾州之北隆德府今沁安府

九月丙寅金人破太原府時宗翰乘勝急攻知府張孝純力竭不能支城破孝純被執既而釋用之副都總管王稟死之稟與孝純同守太原宗翰屢遣人招諭不從至是併力攻城列礮三十座凡舉一礮聽鼓聲齊發礮石入城者大於斗樓櫓中礮無不壞者稟乃先設虛棚下又置楯布袋在樓櫓上雖爲所壞即時復成宗翰又爲填壕之法先用洞子下置車轉輪上安巨木狀似屋形以生牛皮綬上裹以鐵葉人在其內推而行之節次以續凡五十餘輛皆運土木柴薪於其中其填壕先用大枝薪柴次以薦覆然後置土在上增覆如初稟預穿礮爲窬致火轉在內俟其薪多卽放燈於水其燈下水尋木能燃濕薪火既漸盛令人鼓鞀其聲互天焚之立

肅宗翰又爲車如鵝形下亦用車輪冠以皮鐵使數百人推行欲上城樓粟於城中設跳樓亦如鵝形使人在內迎敵先以索絡巨石置被鵝車上又令人在下以搭鉤及繩拽之其車前倒不能進然人衆糧乏三軍先食牛馬騾次烹弓弩皮甲百姓煮萍實糠粃草莖以充腹既而人和食城破粟猶率就卒巷戰突圍出金兵追之急遂負太原廟中太宗御容赴汾水死子閤門祇候衍殉之通判王適自焚死轉運判官王慈提舉常平單孝忠亦死於難

金人破真定府知府李選兵馬都鈐轄劉翊死之种師道及金宗望戰於井陘敗績宗望遂入天威軍攻真定翊率衆晝夜搏戰久之城破翊巷戰麾下稍亡翊顧其弟曰我大將也可受戮乎因挺刃欲奮門出不果自縊死初選聞敵至問道走賊書上聞三十四奏皆不報城被圍且戰且守相持四旬既破將赴井左右持之不得入宗望脅之拜不屈以火燒其鬚眉及兩髀亦不顧乃拘燕然山府欲以選知滄州笑而不答後命之易服選憤大罵金人撻其口猶吮血嚼之金人大怒遂遇害將死顏色不變南面再拜端坐受戮後諡忠壯按天威軍今井陘縣康王構發長垣至滑州庚辰至相州壬午磁州守臣宗澤迎謁曰肅王一去不返今公詭辭以致大王其兵已迫復去何益願勿行先是王雲臺使過磁相勸兩郡撤近城民舍運粟入保爲清野之計民怨之及王次磁出謁嘉應神祠雲在後百姓遮道諫王勿北去厲聲指雲曰清野之人真姦細也王出廟行人譟執雲殺之時宗望軍濟河游騎日至磁城下隄迹王所在知相州汪伯彥亟以帛書請王如相躬服囊橐部兵以迎於河上

王令融公喬訪得問道潛師夜發磁人無一知者遲明至相勞伯彥曰他日見上當首以京兆薦由是受知是役也議者以爲雪不死王必無復還之理湯陰人岳飛少負氣節家貧力學尤好左氏春秋孫吳兵法力能挽弓三百斤弩八石劉韜宣撫鎮定募敢戰士飛與爲腹擒劇賊至是因劉浩以見王以爲承信郎

按相州今彰德府

初耿南仲與吳玠堅請割地以成和好故戰守之備皆罷致金師日逼至是與金使王訥偕行至衛州衛鄉兵欲執訥納脫去南仲遂走相州金宗望軍至城下屯於劉家寺先是种師道聞真定太原皆破檄召西南兩道兵赴高會師道卒唐恪與南仲專務議和乃止兩道兵毋得妄動遂散歸及金人傳城四方兵無一人至者城中唯七萬人遣使以蠟書聞行出關召兵并約康王及河北守將來援多爲金遷兵所梗

按衛州今衛輝府

南道都總管張叔夜將兵勤王至玉津園帝御南薰門見之軍容甚整以叔夜爲延康殿學士時唐恪計無所出密言於帝曰唐自天寶而後屢失而復興者以天子在外可以號召四方也今宜舉景德故事留太子居守而幸西洛池據秦雍領天下兵親征以圖興復帝將從之領開封府何裏入只引蘇軾所論謂周之失計未有如東遷之甚者帝翻然而改以足頓地曰今當以死守社稷及叔夜入對亦言敵鋒甚銳願如明皇之避祿山暫請襄陽以圖幸帝不答

金人初至卽力攻東壁劉延慶練邊事措置頗有法過夜卽城下積草數百竊之以警時有議置九牛礮者雖礮磨皆可施於東壁用之當碎其雲梯詔封護國大將軍金知東壁不可攻於是過南壁以洞子自散運薪土

實證龍河河水遂涸詔毀口嶽爲礮石金復於護龍河壘橋取道姚友仲選銳卒下城分布弩礮又於城上縛
虛棚士衆山立箭下如雨橋不能寸進乃棄去益造火梯雲梯偏橋撞竿鴟車洞子諸攻城之具金人攻南壁
殺傷相當帝幸安肅門至朝陽門金人箭及駕前旗下令軍士三百餘人縋城出戰殺敵數百復縋而上命以
官者數十人金人築望臺度高百尺下覘城中以飛火礮燔樓櫓將士嚴警備旋即繕治又造雲梯施大輪以
革冒之乘罽推以叩壘將士出鈎竿挂之使不得進近者以鈎矛取之發火焚梯敵數引却復用鴟車洞子攻
北城軍士射以九牛弩一發而貫三人詔募人焚敵礮架鴟車洞子及八分者白身授團練使餘以次授賞

肅門北面
西頭門

命康王構爲河北兵馬大元帥殿中侍御史胡唐老言康王奉使至磁爲士民所留乃天意也乞就拜爲大元
帥俾率天下兵入援何冀以爲然密草詔臺上之帝令募死士得秦仔劉定等四人遣持蠟詔如相州拜王爲
大元帥陳遼爲元帥宗澤汪伯彥副元帥使盡河北兵速入衛辟官行事並從便宜仔先至相於頂髮中出詔
王讀之嗚咽軍民感動

何翼趨鄆京出師京徙期再三曰非至危急吾師不出十一月丙辰大風雪京乃令守禦者悉下城毋得竊
窺因大敗宣化門出攻金軍京與張卡、坐城樓上金人分四翼譟而前京兵敗走墮死於護龍河城門急閉
京向叔夜曰須自下作法因下城引餘衆南遁金人遂登城衆皆披靡四壁兵皆潰金人入南薰諸門絳州姚

友仲死於亂兵四壁守禦使劉延慶奪門出奔爲追騎所殺宣者黃經自赴火死統制何慶曾陳克禮中書舍人高振力戰與其家人皆被害京城遂破帝慟哭曰朕不用种師道言以至於此衛士入都亭驛執金使劉晏殺之軍民數萬并左掖門求見天子帝御樓諭遣之衛士長將宣率其衆數百欲邀乘輿犯圍而出左右奔竄獨孫傅梅執禮呂好問待好問壁曉之曰若屬忘家欲冒重圍衛士以出誠忠義然乘輿將駕必甲乘無缺而後動詎可輕邪宣屈服曰尙書真知軍情麾其徒退何卓欲親率都民巷戰金人宣言議和退師乃止遣裏及濟王栩使金軍以請成衷懼不敢行帝固遣之猶遲回良久不決李若水燬罵曰致國家如此皆爾輩誤事今社稷傾危爾輩萬死何足塞責與不得已乃上馬既至宗翰宗望曰自古有南即有北不可相無也今之所議期在割地而已與還言金欲邀上皇出郊帝曰上皇驚憂而疾必欲之出朕當親往辛酉車駕詣青城何東陳過庭孫傅等從與二帥相見宗翰以未得金主之命以好語相慰藉宗望唯唯而已十二月壬戌朔帝留青城宗翰遣蕭慶入城居尙書省朝廷動靜並先關白

按宣化卽宣光南而東順門南肅門南面中門青城有二此北青城也在城北

是日康王開大元帥府於相州有兵萬人分爲五軍而進既渡河次於大名宗澤以二千人與金人力戰破其三十餘營敗冰渡河見王曰京城受圍日久入援不可緩王紿之既而知信德府梁楊祖以三千人至張俊留傅楊沂中田師中等皆在麾下兵威稍振會帝遣曹輔弼報詔至云金人登城不下方議和好可屯兵近甸毋動汪伯彥等皆信之宗澤獨曰敵人狡譎是欲款吾師耳君父之望入援何啻饑渴宜急引軍直趨澶淵以解

京城之圍伯彥等難之勸王遣澤先行自是澤不得與帥府事矣耿南仲及伯彥請移軍東平王從之

癸亥帝至自青城士庶及太學生迎謁帝掩面大哭曰宰相誤我父子觀者無不流涕遣陳過庭折彥質往兩河割地以畀金又分遣歐陽珣等二十人持詔而往珣嘗上書極言祖宗之地尺寸不可以與人及事急會敵臣議珣至復抗論當與力戰戰敗而失地它日取之直不戰而割地它日取之曲時宰怒欲殺珣乃以珣爲將作監丞奉使割深州珣至深州城下慟哭謂城上人曰朝廷爲姦臣所誤至此吾已拌一死來矣汝等宜勉爲忠義報國

○二年○副元帥宗澤自大名至開德與金人十三戰皆捷遂以書勸康王檄諸道兵會京城又移會北道總管趙野兩河宣撫范訥知興仁府曾楙合兵入援三人皆以澤爲狂不答澤遂以孤軍進至衛南先驅云前有敵營澤擢衆直前連戰敗之轉戰而東敵益生兵至澤將王孝忠戰死前後皆敵壘澤下令曰今日進退等死不可不死中求生士卒知必死無不一當百斬首數千金人大敗退却數十里澤計其勢必復來乃亟徙其營金人夜至得空營大驚自是憚澤不敢復出兵澤出其不意遣兵過大河襲擊又敗之

按開德今開州興仁今曹縣衛南在滑縣東六十里

二月辛酉朔帝在青城都人日出迎駕而宗翰不遣金主詔廢帝及上皇爲庶人肅慶促帝易服從臣震懼不知所爲李若水獨持帝曰陛下不可易服金人曳之去若水大呼曰若輩不得無禮因加醜罵金人擊之破面氣絕仆地良久乃蘇范環逼上皇及太后赴金營金人以內侍鄧述所具請皇子及後宮位號盡取入軍孫傳

率百僚申狀金二帥請立皇太子爲君金人不聽李若水在金營旬日罵不絕口乃裂頸斷舌而死金人相與
書曰遼國之亡死義者十數南朝唯李侍郎一人若水臨死無怖色副使相州觀察使王履亦死之

甲戌太后手書告天下曰此以敵國興師都城失守禮廟宮闕既二帝之蒙塵經及宗祏謂三靈之改卜永言
運數之屯坐視家邦之覆撫躬獨在流涕何從緬維茲祖之開基實自高穹之眷命歷年二百人不知兵傳序
九君世無失德雖舉族有北轅之聲而敷天同左祖之心乃眷賢王越居近服已徇羣臣之請俾膺神器之歸
歸康邸之舊藩嗣我朝之大統漢家之厄十世宜光武之中興獻公之子九人唯重耳之尚在茲爲天意夫豈
人謀尙期中外之協心同定安危之至計庶臻小憫漸底丕平

〔高宗建炎元年〕胡舜陟言今日措置中原宜法苻祖命郭進李漢超董遵誨等守邊之術以三京關陝析爲
四鎮拱滑潁昌隸東京鄆汝河陽隸西京恩澤開德隸北京同華陝府隸京兆擇人爲節帥使各以地產之賦
養兵自衛且援鄰鎮又京帑積錢千餘萬緡宜給四鎮爲糴本若四帥得人庶幾中原不失江左可居詔付三
省未幾舜陟罷去議遂格

潁昌今許州
開德今開州

李綱至太平州開帝登極上時事略謂和不可信守未易圖而戰不可必勝又言恭儉者人主之常德英哲者
人主之全才繼體守文之君恭儉足以優於天下至於興衰播亂則非英哲不足以當之惟英故用心剛足以
斷大事而不爲小故所搖惟哲故見替明足以任君子而不爲小人所間在昔人君惟漢之高光唐之太宗本

朝之執祖太宗克體此道願陛下以爲法

太平州今
太平府

張所爲尙書兵部員外郎所案視陵寢還上疏略云恭聞行在留南京軍民俱怨不知誰爲此謀者京師重城八十里之廣宗社宮闕省闕百司皆在居之足以控制河東河北根本之地以臣計之實有五利奉宗廟保陵寢一也慰安人心二也繫四海之望三也釋河北割地之疑四也早有定處而急於邊防五也一舉而五利而陛下不爲臣知此時遷延別無長策不過緩急之際便於南渡不知國家安危在乎兵之強弱將相之賢不肖而不在乎都之遷與不遷也誠使兵弱而將相不肖雖云渡江安能自保大河不足恃大江亦不足恃徒使人心先離中原先亂耳爲今之計允宜圖任將相協謀共力經營朔方鼓勵河北忠憤之人使人自爲戰則疆敵可摧土宇可保京師可以奠枕而都矣所復言黃潛善兄弟姦邪恐害新政潛善引去帝諭留之乃罷所言職詔李綱立新班奏事執政退綱留上十議且言陛下度其可施行者願賜施行臣乃敢受命一議國是略謂今日並主和議蓋以二聖播遷非和則速其禍不知漢高與項羽戰於滎陽太公爲羽所得置之机上屢矣高祖之戰黥霸卒不敢害而還之昔金人與契丹戰必割地厚賂講和既和則又求釁以戰二十餘載卒滅契丹金又以此取中國至於破都城墮宗祖易姓改號而朝廷猶以和議爲然是將以天下昇之而後已也爲今之計事務自守建藩鎮於要害之地置帥府於大河及江淮之南修城壁治器械教水軍習車戰使其進無抄掠之得退有邀擊之患則雖有出沒必不敢以深入故今日法句踐嘗膽之志則可法其卑詞厚賂則不可止當

歲時遣使奉問二聖三數年間軍政益修甲車咸備然後大舉討之以報不共戴天之仇而雪振古所無之恥
一議巡幸略謂天下形勢關中爲上襄鄆次之建康又次之今宜以長安爲西都襄陽爲南都建康爲東都各
命守臣葺城池治宮室積糗糧以備巡幸三都既成其利有三一則藉巡幸之名使國勢不失於太弱一則不
假定都敵人無所窺伺三則四方望慕雄無所覬覦至汴梁宗廟社稷所在天下根本陛下卽位之始豈可
不一見宗廟以安都人之心願先降敕以修謁陵寢爲名擇日巡幸一議赦令略謂張逆不當赦罪廢不當盡
復選人不當盡循資格今登寶位赦書一切比附張邦昌僞赦非是宜改正以法祖宗一議僞逆略謂張邦昌
久與權政擅冠宰司國破而寶之以爲利君辱而攘之以爲榮易姓建邦四十餘日逮金人之既退方降赦以
收恩考其四日之手書猶用周朝之故事願肆諸市朝以爲亂臣賊子戒一議僞命略謂國家更大變士大夫
風節僞庭者不可勝數宜依唐肅宗大等定罪以勵士風一議戰謂軍政久廢宜一新紀綱信賞必罰一議守
謂沿河及江淮措置抗禦以扼敵衝一議本政略謂朝廷之尊卑係於宰相之賢否唐至文宗可謂衰弱武宗
得一李德裕而威令遂振德裕初相上言宰相非其人當亟廢罷至天下之政不可不歸中書武宗聽之故能
削平僞僞號爲中興我朝自崇觀以來政出多門閣官恩倖女寵皆得以干預朝政所謂宰相者保身固寵不
敢爲言以至法度廢弛馴致靖康之禍願陛下察德裕之言而法武宗之任監崇觀之失以刷靖康之恥一議
責成略謂靖康間進退大臣太速功效蔑著宜擇人而久任之以要成功一議修德略謂初膺天命宜益修孝

悌恭儉之德以副天下之望

李綱言自崇觀以來朝廷不復崇尚名節故士大夫寡廉鮮恥不知君臣之義靖康之禍視兩宮播遷如路人然仗節死義在內惟李若水在外惟霍安國餘未有聞願詔諸路詢訪優加贈恤乃自安國及劉幹以下次第錄復詔諸路詢訪死節以聞

時河東北所失纔十餘郡餘皆爲朝廷固守綱言今日中興規模有先後之序當修軍政變士風裕賢才寬民力改弊法省冗費誠號令信賞罰擇帥臣選監司俟吾政事已修然後可議興師中尤急者當先理河北河東蓋兩路國之屏蔽今河北惟失真定等四郡河東惟失太原等七郡其餘率推其土豪爲首多者數萬少者數千宜於河北置招撫司河東置經制司擇有才者爲使以宣陛下德意有能保一郡者寵以使名如唐之方鎮俾自爲守否則食盡援絕必爲金人所用帝許之

喻汝礪爲四川撫諭官初汝礪自金師見帝復命爲郎汝礪因對近聞遷都之議臣以爲敵可避都不可遷汴都天下根本會汴都而都金陵是一舉而擲中州之地以資於敵矣夫以諸葛亮之才而不能輒曹操李克用之勇而不能抗朱溫者蓋曹魏朱梁先定中原庸蜀晉陽錫然一方安足以當其疆大臣謂中原決不可舍以爲興王之資汴都決不可遷以蹈金人之計帝命赴都堂與李綱語綱奇之尋以母老乞歸省汝礪入辭復奏言金人決渡河陛下宜急爲之防毋以晏安之故而成敵寇之憂帝嘉納之以宗澤知開封府澤開黃潛習等

復倡和議上疏言河之東北陝之蒲解三路爲祖宗基命之地今開刑部指揮不得騰播赦文於兩河蒲解是欲裂前一執之宏規蹈東晉既遷之覆轍誰爲此謀不忠不孝臣雖驚怯當躬冒矢石爲諸將先帝壯之以澤知青州召學士知青州曾孝序赴行在李綱言京師根本之地新經擾攘人心未固不得忠義之士加意撫綏非獨外憂且有內憂帝乃從澤知開封府既而青州民詣南都借留孝序帝許之

始李綱言陛下卽位赦書不及河東北勤王之師夫兩路爲朝廷堅守赦令不及人皆謂已棄之何以慰忠義之心至勤王之師雖未嘗用然在這半年荷戈擐甲冒犯雪霜疾病死亡不可勝數倘不加以恩卹後復有急何以使人願因今赦並示德音帝從之綱請降見錢鈔三百萬緡賜兩河市軍需因命使臣齎夏藥徧賜兩河守臣將佐且命起京東夏稅緡於北京河東衣緡於永興軍以待支取於是人情翕然蠟書日至應募者甚衆是日班宣制凡師行國掠違節制者死臨陳先奔者族敗軍者誅全隊一軍危急而他軍不救者刑主將餘如將法從事

宗澤至東京自金兵退歸樓櫓廢諸道之師雜居寺觀盜賊縱橫人情兇懼時金人留屯河上距京師不二百里金鼓之聲日夕相聞澤至京下令曰爲盜者賊無輕重皆從軍法由是盜賊屏息人情粗安一日有金使中大監等八人以使僞楚爲名直至京師澤曰此覘我也命留守范訥械繫之聞於朝

李綱請以河北之地建爲藩鎮朝廷量以兵力授之沿河淮江置帥府要郡次要郡以備控扼沿河帥府十一

京東東路治青徐西路治鄆宋京西北路治許洛南路治襄鄧永興軍路治京北河北東路治魏滄沿淮帥府
二治楊廬沿江帥府六治荆南江甯府潭洪杭越州大率自川陝廣南外總分爲九路每路文臣爲安撫使馬
步軍都總管總一路兵政許便宜行事武臣副之要郡以文臣知州領兵馬鈐轄次要郡以文臣知州領兵馬
都監許參軍事皆以武臣爲之副如朝廷調發軍馬則安撫使措置辦集以授副總管若帥臣自行則漕臣一
員隨軍一員留攝帥事憲臣文武各一員彈壓本路盜賊沿河帥府八軍要郡六軍次要郡三軍非要郡二軍
沿淮帥府五軍要郡三軍次要郡二軍非要郡一軍沿江帥府五軍要郡三軍次要郡一軍非要郡半軍二
千五百人自帥府外要郡四十次要郡三十六總爲兵九十六萬七千五百人非要郡不預又別置水軍帥府
兩軍要郡一將綱又請出度牒鑒鈔及募民出財使帥府常有三年之積要郡二年次要郡一年疏奏悉從之

郭今東平魏今大名荆南今江陵
潭今長沙洪今南昌鄆今昭興

李綱嘗國家禦戎皆在邊郡金人乃擬吾心腹請命諸路州軍以漸修葺城池繕治器械朝廷量行應副帝嘗
問綱靖康初能守京城金人再至遂不克守何也綱曰金人初來未知中國虛實雖渡河而尼瑪哈舊作粘沒
喝卽宗翰
兵失期不至再來則兩路並進初時勦王之師數日皆集再來圍城始召天下兵遂不及事初時金人寨於西
北隅而行營司兵屯城中要地四方音問不絕再來朝廷自決水浸西北隅而東南無兵敵反據之故外兵不
得進又淵聖卽位之初將士用命其後刑賞失當人盡解體城中無任責之人敵至造橋渡壕全不加恤敵遂

登城此前後所以與也

李綱上疏一曰募兵謂熙寧時內外禁旅五十九萬人崇寧以來闕而不補者幾半爲今之計莫若取財於東南而募兵西北河北之人爲金人所擄未有所歸關西京東西流爲盜者不知其幾請乘其不能還遣使招之合十萬人於要害州軍別營屯戍使之更番入衛行在二曰買馬謂金人專以鐵騎取勝而吾以步軍敵之宜其潰散今行在之馬不滿五千可拔帶者無幾權時之宜非括口不可請先下令非品官將校不許乘馬然後令州縣有馬者以三等價取之嚴囑寄之法重搔擾之禁則數萬之馬尙可得也綱又言步不足以勝騎騎不足以勝車請以車騎類於京東西路使製造而教習之其法用靖康間統制官張行中所撈兩竿雙輪上載弓弩又設皮籬以捍矢石下設鐵裙以衛人足長兵禦人短兵禦馬傍施鐵索行則布以爲陳止則聯以爲營每車用卒二十有五人四人推竿以運車一人登車以發矢餘執軍器夾車之兩傍每軍二千五百人以五之一爲輜重及衛兵餘當車八十乘卽布方陳則四面各二十乘而輜重處其中諸將皆以爲可用乃命兩路憲臣總領

自宣和末羣盜蜂起其後勸王之兵往往潰而爲盜至是祝靖薛廣忠閻瑾王存之徒皆招安赴行在凡十餘萬人李綱爲上言今日盜賊當因其力用之然不移其部曲則易叛而徙之則致疑須以衛制之使由而知乃命御營司委官凡潰兵之願歸營與良農願歸業者聽之又擇其老弱者縱之其他以新法團結擇人爲

部隊將及統制官其首令皆命以官分隸諸將由是無叛去者獨淮甯之杜用山東之李昱河北之丁順王善楊進皆擁兵數萬不可招而拱州黎驛單州魚臺亦有潰卒數千爲亂綱以爲專事招安則彼無所畏懼帝乃詔王淵討用劉光世討昱韓世忠張俊分討黎驛魚臺潰卒時昱犯沂州自費縣引兵圍長清光世遣其將喬仲福追擊斬之既而用亦爲淵所殺餘悉殄平丁順嘗爲滄州兵馬鈐轄王善雷澤尉皆以罷從軍不得志楊進以其才爲淵所忌懼罪亡去號沒角牛兵尤衆又李孝忠既破襄陽擾西郡綱以范瑗反側不自安因命環討孝忠使離都城且示不疑之意瑗乃將所部赴行在而丁順等皆赴河北招撫司自效盜益衰

拱州今隆州
雷澤縣在今濮州西都當作西京

城縣北二十里有黎驛其地之縣
雷澤縣在今濮州西都當作西京

時黃潛送汪伯彥皆欲奉帝南幸李綱極論其不可且言自古中興之主起於西北則足以據中原而有東南起東南則不足以復中原而有西北蓋天下精兵健馬皆在西北委而去之豈唯金人乘間以擾關輔盜賊且將蜂起跨州連邑陛下雖欲還闕且不可得況治兵制敵以迎還二聖哉爲今之計或當暫幸襄鄧以係天下之心蓋襄鄧西鄰川陝可以召兵北近京畿可以進援南通巴蜀可以取貨財東連江淮可以運穀粟山川險固民物淳厚今冬計且駐蹕俟兩河就緒卽還汴都策無出於此者帝乃收還手詔許幸南陽

張所王瓌傳亮辭行先是李綱建議遣所亮措置兩河乃白帝賜所內府錢百萬緡爲半年之費給空名告身千餘道又以京畿卒三千人爲衛將作官屬許自辟置所請置司北京招諭山寨民兵俟就緒日渡河先復懷

衛滑州及真定次解中山之固給地養民爲兵如陝弓箭手法初靖康之割兩河也所爲御史獨建言以蠟密募河朔民兵入援士民喜故所之聲滿河朔亮請置司陝府從之亮西人習古兵法綱謂可爲將奏用之亮復言今經制司所得兵才萬人皆盜賊及潰散之卒未經訓練難以取勝陝西正兵及弓箭手皆精銳得以重賞賞罰不當陷於民間若厚資給以募之不旬日可得二萬人與正兵相表裏度州縣可復卽復之所亮既行兩河響應黃潛喜疾綱之謀建議遣河北制使馬忠節制軍馬俸率兵渡河於是權始分矣

先是河北宣撫使張所招徠豪傑以忠翊郎王彥爲都統制效用岳飛爲準備將飛初補承信郎以戰功遷秉義郎帝初立上書論黃潛喜汪伯彥不圖恢復以越職奪官至是歸所所問曰汝能敵幾何飛曰勇不足恃用兵在先定謀樂枝曳柴以敗荆莫敖樵以致絞皆謀定也所翌然曰君殆非行伍中人借補修武郎閤門宣贊舍人充中軍統領飛因進說曰國家都汴恃河北以爲固苟馮據要衝峙列重鎮則京師根本之地固矣招撫能提兵厭境飛唯命是聽所壯之借補武經郎

八月乙亥李綱罷先是張所至京師權北京留守張益謙附黃潛喜意奏所置司北京不當又言招撫司置後河北盜賊愈熾不若罷之綱言所留京師招集將佐今尚未行不知益謙何以知其驕擾朝廷以河北民無所歸聚而爲盜置司招撫因其力而用之豈由置司乃有盜賊時方艱危朝廷欲有經略益謙小臣乃敢以非理沮抑此必有使之者時傅亮軍行才十餘日汪伯彥等以爲逗遛復命宗澤節制之使卽日渡河綱極論潛喜

伯彥力沮二人乃所以沮臣使不安職臣每念靖康大臣不和之失凡事未嘗不與潯善伯彥熟議而二人設心如此綱復求去帝召綱曰卿所爭細事耳何爲出此綱曰人主之職在論相宰相之職在薦賢方今人才以將帥爲急恐不可爲細事殿中侍御史張浚復論綱翼日遂罷綱爲觀文殿大學士提舉洞霄宮綱在相位凡七十五日鄧肅言人主職在任相陛下初登九五召李綱於貶所任以台衡待之非不專也陛下嘗顧臣曰李綱真以身殉國者今遽罷之責辭甚嚴既非臺章又非諫疏不知道辭者何所據依許翰亦言綱忠義英發舍之無以佐中興今綱既罷留臣無益因力求去帝未許然潯善等皆有逐之之意矣

許景衡言臣聞議者多指開封升宗澤過失臣自渡淮聞澤誅鋤彊梗撫循善夏又修守禦之備歷歷可觀臣竊歎竊以爲去冬京城有如澤等數輩相與維持則其禍變未至如此其酷也且開封宗廟社稷之所在苟欲較澤小疵別選留守不知今之指紳威名政術加於澤者復有何人帝大悟仍封景衡奏示澤澤賴以安

命兩浙提點刑獄公事周格高士瞻督捕杭寇士瞻欲招安之翟汝文奏今浙東與經制司槍杖手合萬人兵勢已盛而寇臣意在黨賊已受其降今杭賊猖獗至於主帥橫死潯臣斷首而反龍以官是誘人作賊也賊乃遣其黨往秀州誘士瞻及顧彥臣來杭州受降士瞻素隊入城北賊百餘騎突出賴鮑貽遜下槍杖手在北門始獲免既而格亦領兵至士瞻始約日進兵

初宗澤募義士守京城且造決勝戰車千二百乘每乘用五十有五人運車十有一執器械輔車者四十有四

回施曲折可以應用又據形勝立二十四壁於城外駐兵數萬澤往來案覘試之周而復始沿大河順次爲壘結連兩河山水寨及陝西義士開五丈河以通西北商旅京畿潞河七十二里命十六縣分守之縣各四里有番營開濶深廣丈餘於其南植鹿角又圍結班直諸軍及民兵之可用者乃上表請車駕還京不報河北招撫司都統制王彥率裨將岳飛等所部七千人渡河金兵盛彥不敢進飛獨引所部鏖戰奪其輜而舞諸軍爭奮遂拔新鄉

宗澤復上疏略謂本朝提封萬里京師號爲腹心宗廟社稷所在民人依之今兩河雖未救甯猶一手臂之不伸及欲併腹心而棄之豈祖宗付託之意與朕朕萬目所以仰望之心昔景德間契丹侵瀋淵碎報一聞中外震恐是時王欽若江南人勸幸金陵陳堯佐蜀人勸幸蜀都惟寇準請帝親征卒用成功臣何敢望準然不敢不以羣望望陛下也且臣奉迎鑾輿還都而後卽當身率諸道之兵直趨兩河之外親迎二聖雲靖康一再之恥然後奉觴玉殿以爲億萬斯年之賀臣之志願始畢上疏後澤復營繕宗廟宮室益省又以東門乃回鑾奉迎之地特增修之

王彥及金人戰於新鄉縣敗績兵潰彥奔太行山岳飛以單騎持丈八鐵槍刺殺金帥於陳金人爲退却初彥旣得新鄉傳檄諸郡金人以爲大軍之至率衆數萬薄彥壘圍之彥兵寡且器甲疏略乃決圍出敵盡銳追擊彥與麾下數十人馳赴之所向披靡轉戰十數里弓矢且盡會日暮得免彥收散亡得七百餘人保共城縣西

山部曲感其義皆面刺赤心報國宇未幾兩河響應忠義民兵首領傳遞孟德劉澤焦文通等皆附之編互數

百里金人患之

共城今輝縣

宗澤復上疏言臣契勘京城四壁濠河樓櫓與守禦器具當職官吏協力夙夜自公率勵不懈增築開濬起造輯理浸皆就緒臣又製造決勝戰車一千二百兩每兩用五十有五人一卒使車八人推車二人扶輪六人執牌輔二十人執長槍隨牌輔車十有八人執神臂弓弩隨槍射連小使臣兩員專幹辦閱習車事每十車差大使臣一員總領爲一隊見今四壁統制官日逐教閱坐作進退左右回旋曲折之陳委可應用又沿河十六縣與上下州軍相接作連珠寨以嚴備禦臣見使王彥魯中正在河西攻擊收復州縣西京河陽鄆滑等州同爲一體敵人畏懼不敢輕動臣自到京奉揚陛下仁風德意街市人情物態忻悅教習同太平時景象顧臣犬馬之齒六十有九比緣陛下委付之重常患才力不任惕息憂懼近日頓覺衰悴萬一遽先朝露辜負陛下眷恤憐憫之意臣死不瞑備使臣與將士官兵獲望回輦之塵俯伏百拜然後身填溝壑則雖死之日猶生之年先是羣盜王再興以兵數萬王貴萬餘人往來河上王晉以車百乘寇濮州楊進兵尤衆連擾京西諸郡澤遣招之皆聽命以進爲留守司統制澤理財有方凡兩河及京東西諸郡求軍需者皆輟東京所有與之不以爲問既而澤聞帝已南遷又上疏詞意忠懇帝優詔答之

御營使司都統制王淵入杭州初淵至秀州下令治兵十日乃行杭賊陳通等聞之緩爲之備及是淵與統制

官張俊馳至城下傳呼秀州趙龍圖來通出不意出迎淵諭以朝廷遣賜告身通等皆喜淵俊入州治命軍士分守諸門淵召其首三十人至庭下達款之通呼曰已受招安何爲乃爾淵曰我受詔討賊不知其他併執其餘黨悉腰斬之凡百八十餘人百姓相賀

秀州今嘉興府

宗輔既渡河議先攻汴京且分兵趨行在而東京留守宗澤增修守禦之備城外千里無糧可因金人擾瀕河州郡諸將請斷河梁嚴兵自守澤曰去歲城破正坐此爾尙可獎其軌耶命統制官劉衍趨滑州劉達走鄆州各率軍二百乘戰士二百人保護河梁以俟大軍北渡金人聞之夜斷河梁而還時孫昭遠既棄河南去西京殘民無主乃開門出降宗輔入西京以李嗣本知河南府自屯西京大內與澤相持

二年謝昺提點京西北路兼南路刑獄公事先是有撰勸勇文者揭於關羽廟中諭敵兵有五事易殺連年戰辛苦易殺馬倒便不起易殺深入重地力孤易殺多帶金銀易殺作虛聲嚇人易殺各宜齊心協力共保今歲無虞昺得而上之詔兵部鑲版散示

戶部侍郎兼知揚州呂頤浩轉對論官軍所至爭取金帛之罪猶小刦掠婦女之禍至深願申諭將帥自今有犯必罰無赦昨鎮江城中婦女有尙在軍中者乞速令放歸詔以付諸將

金人侵東京至白沙鎮留守宗澤遣兵擊却之初金以知滑州王宣贊戰不敢窺其境乃遣兵自鄆州抵白沙距京才數十里都人甚恐澤方與客對弈僚屬請議守禦之策澤不應諸將退布都伍撤吊橋披甲乘城都人

益懷澤聞之命解甲歸寨曰何事張皇時統制官劉衍達將軍二百乘在鄭滑間澤益選精銳數千助之下令

張燈如平日民始安堵

白沙鎮在中牟西

洛索破長安守臣經略使唐重死之初金人在河中重上疏言狀且乞五路兵自節制不報馬步軍副總管與州刺史楊宗閔嘗爲重謀曰今河東諸州皆非我有敵距此纔一水而本路兵弱宜急繕城壘爲守禦計以待外援捨此無策重以秦民驕不欲擾之而止及金兵入境重不知所爲貽害轉運使李詹稱曰重平生忠義不敢辭難始意迎車駕入關居建瓴之勢庶可以臨東方今車駕南幸矣關陝又無重兵雖竭盡智力何所施其功一死報上不足惜逮洛索圍城彌旬外援不至於是前河東路經制副使傅亮以精銳數百奪門降金時地大震金人因其勢而入城遂破重尙餘親兵與敵戰諸將扶重去重曰死吾職也戰不已衆潰重中流矢死之副使直祿關桑景詢判官曾謂提刑郭忠孝主管機宜文字王尙友及其子建中與宗閔俱死提舉軍馬榮州團練使陳迪猶率衆巷戰嘔血誓衆敵大入死之忠孝嘗師事程頤或勸云監司出巡可以免禍忠孝不答遂遇害

金游騎至京城下宗澤示以不備疑不敢入是日統制官劉衍與金人遇於板橋敗之追擊至滑州又敗之金人引去

知樞密府康允之奏丁進解國帝謂輔臣曰此郡守得人之效也卿等六人宜廣詢人才若人得二人則列郡

便有十餘守將雖然須參議不可徇私時進既受閤門宣贊舍人京城外建之命遂引所部屯京城往參留守
宗澤將士呂勳等請以甲士隨衛澤曰正當披心待之雖木石可使感動況人乎及進至澤拊髀甚至待之如
故吏進等感服翼日請澤詣其壘澤許之不疑進益懷感畏後其黨有謀亂者進自擒殺之其所刺更民有復
還鄉里者允之請刺填諸軍閤帝許之宗澤復表請帝還京師澤至是凡十二奏矣

兩浙制置使王淵招賊張遇降之遇自金山寺進屯揚子橋衆號二萬會淵還行在自將數百騎入其寨招之
遇見淵器械精明惶懼迎拜淵曰汝等賴我來晚故得降不然已無遺類矣淵奏以遇爲閤門宣贊舍人守臣
錢伯言乃得還其府遇猶縱兵四劫應從者危懼戶部侍郎兼知揚州呂頤浩帶御器械御營使司前軍統制
韓世忠驍騎造其壘曉以逆順禍福執其謀主劉彥傑於揚子橋縛小校二十九人送淵戮之餘黨怖而釋甲
得其軍萬人韓世忠

金山寺在鎮江府西北江中
由此北入邗江卽揚子橋

洛索既得長安卽鼓行而西進攻鳳翔府隴右大震夏人謀知關陝無備遂至延安府自言大金以鄭延訥隸
本國須當理索若敢違拒當發兵誅討鄭延經略使王庶口占檄詞報曰爾貪利之臣何國良有豈意夏國窮
蹈覆轍比聞金人欲自涇原徑擣興靈方竊爲之寒心不圖尙欲乘人之急幕府雖士卒單寡然類皆節制之
師左支右梧尙堪一戰果能辦此何用多言徑檄興中府因遣諜問其用事臣李遇夏人竟不出

金再使東京宗澤遣統制官李景夏關中立統領官郭俊民等領兵萬餘趨滑鄭過金兵大戰爲金所乘中立

死之俊民降金景良以無功遁去澤捕得謂曰勝負兵家之常不勝而歸罪猶可恕私自逃遁是無主將也即斬之既而金令俊民持書招澤俊民與金將史某及燕人何祖仲直抵八角鎮都巡檢使丁進興之遇生獲之澤謂俊民曰汝失利就死尙爲忠義鬼今乃爲金游說何面目見人邪猝而斬之謂史某曰上屯重兵近何我留守也有死而已何不以死戰我而反以兒女語脅我邪又斬之謂祖仲本吾宋人苟從而來豈出得已解縛而縱之諸將皆服金人攻滑州澤聞之謂諸將曰滑衝要必爭之地失之則京城危矣不欲再勞諸將我當自行右武大夫果州防禦使張攜曰願效死澤大喜即以銳卒五千授之張攜至滑州身率將士與金迎敵衆且十倍諸將請少避其鋒攜曰退而偷生何面目見宗元帥鏖戰數合日莫敵少却澤遣統領官王宣以五千騎往援未至攜再戰死之後二日宣至滑州與金兵大戰於北門士卒爭奮敵出不意退兵河上宣曰敵必夜濟收兵不追半濟而擊之斬首數百所傷甚衆澤卽命宣權知滑州且令載攜喪以歸爲之服緇厚加贈卹仍請於上贈攜拱衛大夫明州觀察使錄其家四人金自是不復圖攻東京矣

八角鎮在開封城西南順天門外

金人攻淮南府知府事向子韶率衆城守諭士民曰汝等墳墓之國去此何之吾與汝當死守之時郡有東兵四千人第三將岳景綬欲竊城率民走行在子韶不從景綬引兵迎敵而死敵晝夜攻城子韶親擐甲冒矢石遺其弟子率赴東京留守宗澤乞援兵未至城破子韶率衆巷戰力屈爲所執金帥坐城上欲降之酌酒於前左右案令屈膝子韶直立不動戰手屬遂殺之其弟新知唐州子襄等與閭閻皆過告惟一子攜得存事聞

贈通議大夫官其家大人後贈忠毅

淮南府陳州府

河南統制官翟進復入西京先是金都統洛索兵至既得秦州隴右大將張河經略使張深屬軍民爲城守計遣兵馬都監劉惟輔將三千人馳禦之時潰歸之餘兵籍失八九僅有惟輔一軍可用金前軍逾鞏州距熙寧百里惟輔留軍熟羊城以千一百騎夜趨新店金兵自入陝西所過城邑輒下未嘗有迎敵者故恃勝不虞蔡明軍進短兵相接殺傷大當會惟輔猝刺其先鋒將哈番噎馬死敵爲奪氣惟輔涇州人也深聞洛索退更檄隴右都統張晟往追之時帝命御營左翼軍統制韓世忠爲京西等路捉殺盜賊將所部及張遇軍萬人赴西京金左副元帥宗翰聞張晟東出自河南西入關遷西京之民於河北盡焚西京而去由是進得以其衆自山寨復入西京宗翰留宗弼屯河間府左監軍完顏希尹右都監耶律伊都屯河南白馬寺以待世忠之至且與進相持

黑州今秋道州蕭羊城蕭羊寨在寧昌府北新店在秦州西白馬寺在洛陽西

石壕尉李彥仙復陝州初彥仙既集兵會金人用陝降者守陝使招集散亡彥仙陰納士數百至是乘虛趨陝南郭夜潛師自河薄東北陬因所納士以入金兵敗棄陝去吏行文請州印章彥仙曰吾以尉守此第用吾印吾敢佩太守印章邪事聞即以彥仙知陝州兼安撫司事彥仙以信義治陝不營毫髮之私與其下同甘苦由是人多歸之邵興在神稷山閻彥仙得陝州乃以其衆來歸願受節制彥仙辟興統領河北忠義軍馬屯三門

石壕鎮在陝州東南神稷山一作稷神在韓州南五十里三門山卽底柱山在平陸縣南

磁州統制官趙世隆以所部詣宗澤降世隆本磁州舊佐澤在磁以爲中軍將澤既去磁以州事付兵馬鈐轄李侃金人圍磁州急有禁兵有民兵民兵甚衆禁兵恐其勢盛將校郭進乃作亂世隆與進謀遂殺侃以通判趙子節權州事至是世隆與其弟世興將三千人歸澤將士頗疑之澤曰世隆吾一校耳必無他有所訴也世隆入拜澤面請之世隆辭服澤笑曰河北陷沒而吾宋法令上下之間亦陷沒邪命引出斬之時衆兵露刃於庭世興佩刀侍側左右皆懼澤徐語世興曰汝兄犯法當誅汝能奮志立功足以雪恥世興感泣會滑州報金騎留屯城下澤謂世興曰試爲吾取滑州世興忻然受命至滑州掩敵不備急攻之斬首數百得州以歸宗澤復厚賜之時有降寇趙海者屯板橋塹路以阻行者管軍閻勛芻者八人過其壘海怒而櫛之覘事者以告澤召之海以甲士五百自衛而入澤方對客海具伏卽械之繫獄客曰彼甲士甚衆姑徐之澤笑謂其次將曰領衆還營明日誅海於市聞者股慄統制官楊進屯城南王晉者有衆二千餘皆山東游手之人先進來降屯城北二人氣不相下一日各率所部千餘相拒於天津橋都人頗恐澤以片紙諭之曰爲國之心固如是邪當戰陳立功時勝負自見二人相視慙沮而退

板橋在開封府城西天津橋北面西來第二門

時麻右都護張巖追洛索及鳳翔境上巖銳意擊敵而熙河兵馬都監劉惟輔不欲聽巖節制乃自別道由吳山出寶雞巖擣大兵及金人於五里坡洛索知之伏兵坡下巖與澤頗統制官曲端期而不至徑前遇伏戰不利巖死之惟輔自石臼寨遁歸先是端治兵涇原招流民潰卒所過人供糧積道不拾遺至是端屯軍麻務鎮

關嚴死金游騎攻涇原遣第十三副將葉麟耶吳玠據清谿嶺拒之將戰其牙兵三百餘人皆潰玠率餘兵

奮擊大破之金兵乃去端銀戎人玠麾下人也

吳山在隴州南五里據在鳳翔西石鼻寨在寶雞縣麻勝嶺未詳疑在涇州清谿嶺在涇州西南

知涇州連南夫請令諸路州縣於近城十里內開鑿陂湖以備灌溉使春夏秋三時常有水澤則民有豐年之望敵騎有遺漬之苦方冬水涸卽令耕種礪則敵騎又有厭境之患其自來不係種稻地分卽乞令依倣隴州開鑿塘澤亦有菱芡蓮藕魚蝦之利可以及民仍免一年租賦以爲人工之費詔諸州相度

先是澤州河北都統制王彥聚兵太行山卽以彥爲武功大夫忠州防禦使制置兩河軍事彥所部勇士萬數以其面刺八字故號八字軍彥方繕甲治兵約日大舉欲趨太原澤亦與諸將議六月起師且結諸路山水寨民兵約日進發上奏曰臣自留守京師夙夜匪懈經畫軍旅近據諸路探報敵勢窮蹙可以進兵臣欲乘此暑月遣王彥等自滑州渡河取懷衛滑相等處遣王再興等自鄭州直趨西京陵寢遣馬橫等自大名取洛趙冀定楊進王晉丁進李貴等諸頭領各以所領兵分路並進既過河則山寨忠義之民相應者不啻百萬契丹漢兒亦必同心抵禦金人事機有緒臣乞朝廷遣使聲言立契丹天祚之後講睦鄰好且與滅繼絕是王政所先以歸天下心也況使金人駭聞自相攜貳邪仍乞遣知幾博辯之士西使夏東使高麗喻以禍福兩國素蒙我宋厚恩必出助兵同加掃蕩若然則二聖有回鑾之期兩河可以安帖陛下中興之功遽過周宣之世矣願陛下早降回鑾之詔以繫天下之心臣當躬冒矢石爲諸將先疏入黃潛晉等忌澤成功從中沮之澤歎曰吾志

不得伸矣因憂鬱成疾溥尹京畿歲修城池治樓櫓不擾而辦屢出師以挫敵鋒其抗疏請帝還京凡二十餘上言極切至潛嘗與汪伯彥等雖嫌之深竟不能易其任

初陝西制置使錢蓋聞金人破長安檄鄜延經略王庶兼節制環慶涇原兵拒敵既而義兵大起金人東還庶以金人重載可尾襲取勝移文兩路各大舉協力更戰而環慶經略使王似涇原經略使席賁自以先進望高不欲受其節度遂具文以報而實不出兵金游騎上清谿既爲涇原裨將吳玠所扼至咸陽望渭河南義兵滿野不得渡遂循渭而東其右軍入鄜延攻康定圖龍坊庶急遣將斷河橋又令將官劉延亮屯神水峽斷其歸路金人遂去涇原統制曲端乘敵退復下秦州而鳳翔長安皆爲義兵收復會經制司統領官劉希亮自鳳翔歸端端斬之端雅不欲屬庶及聞孟迪李彥仙等受事鄜延皆不樂遂揭榜稱金人已過河歸國農務不可失時乃盡散渭河以南義兵庶猶以誓約似實欲逼金人渡河至於再三似不應實許出兵四萬亦遷延不行青溪在涇州西南康定軍朱唐麻初置於鄜州龍坊疑卽

龍益鎮在鄜州西百四十里神水峽在同官縣東北

秋七月癸未東京留守開封尹宗澤卒澤爲黃潛善等所沮憂憤成疾疽作於背至是疾甚諸將楊進等排闥入問澤躍然起曰吾固無恙正以二帝蒙塵之久憂憤成疾耳爾等能爲我殲滅疆敵以成主上恢復之志雖死無恨衆皆流涕曰願盡死諸將出澤復曰吾度不起此疾古語云出師未捷身先死長使英雄淚滿襟遂卒年七十是日風雨晦冥於常日澤將沒無一語及家但連呼過河者三遺表稱贊帝還京先言已涓日渡河

而得疾其末曰屬臣之子配臣之冒力請鑾輿還京闕大震留靈之怒出民水火之中夙荷君恩敢忘尸諫
澤自奉甚薄舊作甚歸時餽餉不繼吟嘯自如晚年俸入稍厚亦不異嗜嘗曰君父當側身膏膺臣子乃安居
美食邪舊作得得俸賜過寒士與親戚貧困者輒分之養孤遺幾百餘人死之日都人爲之號慟朝野無賢愚皆相
弔出涕初澤既拘留金使帝屢命釋之澤不奉詔至是宇文虛中攝留守事遂歸之訐聞詔贈觀文殿學士後
謚忠簡

自宗澤卒數日間將士去者十五都人憂之相與詣於朝貢澤子宣教郎穎寄居戎幕得士卒心請以繼其父
任會杜充已除留守詔以穎直祔閣起復充留守判官充無意恢復盡反澤所爲由是澤所結兩河豪傑皆不
爲用金人聞宗澤死決計用兵河北諸將欲罷陝西兵併力南伐河東諸將不可曰陝西與西夏爲鄰事重體
大兵不可罷左副元帥宗翰曰初與夏人約夾攻宋夏人弗應而耶律達實舊作大石今改在西北交通西夏吾舍陝
西而會師河北彼必謂我有急難將乘間竊發以牽制吾師非計也宋人積弱河北不虞宜先事陝西略定五
路既拔西夏然後取宋時宗翰之意欲舍江淮而專事於陝諸將無能識其意者議久不決奏請於金主金主
曰康王舊窮其所往而追之俟平宋當立藩輔如張邦昌者陝右之地亦未可置而不取也命洛索平陝西博
勒和舊作德監軍以尼楚赫舊作德守太原耶律伊都舊作余留雲中命宗翰南伐會東師於黎陽津

京西北路安撫制置使知河南府翟進戰死進與金人夾河而戰屢破之時東京留守杜充臨而無謀士心不

附諸將多不安之馬擴王彥既還朝餘稍引去起復留守判官宗穎屢爭不從力請歸持服統制官榮州防禦使楊進亦叛以數萬眾攻殘汝洛間翟進謂其兄兵馬鈐轄興曰楊進兇賊終爲國家大患當力除之至是進卒其軍與楊進遇於鳴皋山下夾伊水而進楊進多騎兵興皆步卒將士望騎兵有懼意翟進激之使戰進渡水先登爲流矢所中馬驚墜整爲賊所害賊乘勢大呼擊官軍官軍遂敗興收餘兵保伊陽山寨詔贈進左武大夫忠州刺史初宗澤之爲留守也日繕兵爲興復計兩河豪傑皆保聚形勢期以應澤澤又招撫河南羣盜聚城下欲遣復兩河未出師而澤卒充無遺嗣由是河北諸屯皆散而城下兵復去爲盜掠西南州縣數載不能止

鳴皋山在嵩縣東北四十里伊陽山在嵩縣東十里

江淮制置使劉光世敗李成於新息縣先是光世以統制官王德爲先鋒與成遇於上蔡驛口橋敗之成奔新息襄散卒再戰光世以儒服臨軍成遙見白袍青蓋者曰必大將也併兵圍之德潰圍拔光世以出光世下令得成者以其官爵予之士奮命爭進再戰皆勝成遂遁走擒其謀主陶子思李成之敗也獲其黨之家屬詔分募京襄泰楚三州至是光世具上男女六百餘人帝謂宰執曰此曹身且不顧豈卹其家朕念作亂者非其家屬之罪故令分養之朱勝非曰郊赦中可載此以見陛下德意帝又曰昨於光世處得成所用提刀一重七斤成能左右手運兩刀所向無前惜也載於陶子思邪說使朕不得用之是日光世俘子思詣都堂旣而以火燔於既明橋上

新息今息縣驛口橋上蔡驛之橋也其今儀徵縣楚今淮安府

金人破延安府通判魏彥明死之先是金人破府之東城而西城猶堅守金人諜知都統制曲端與經略使王庶不協遂並兵攻鄜延康定統制官王宗尹不能禦庶在坊州聞金人攻康定夜趨鄜延以過其前金譙道陷丹州州界於鄜延之間庶乃自當鄜州來路遣統制官龐世才鄜州營延安來路時端遣統制原精兵駐邠州之清化庶日移文趣其進且遣使十數輩往說諭端端不聽張彬爲端隨軍應副間以師期端笑謂彬曰公視端所部孰與李綱救太原乎彬曰不及也端曰綱召天下兵不度而往以取敗北今端兵不滿萬若一敗敵騎長驅無陝西矣端計全陝西與鄜延一路重輕是以未敢卽行不如直搗巢穴攻其必救乃遣涇原兵馬都監吳玠攻華州端自攻蒲城縣華州蒲城皆無守兵玠拔華州端不攻蒲城引兵趨耀之同官復迂路由邠州之三水與玠會於甯之襄樂在深山中去金人五百里西城初受圍彥明與權府事劉選分地而守彥明當東壁空家贊以賞戰士敵不敢近庶子之道年未二十率老弱棄城敵晝夜攻士多死者閱十有三日城之後大門破遇與馬步軍總管馬忠皆遁去彥明獨曰吾去則民誰與同死城以外非吾所當死之地也金人大入彥明率所部力敵坐子城樓上敵併其家執之諭使速降彥明曰吾家食宋祿汝輩使背吾君乎洛索怒殺之初庶聞圍急自收散亡往援新知鳳翔府王瓌亦將所部發興元比庶至甘泉而延已破庶無可歸乃以軍付瓌而自將百騎與官屬馳至襄樂勞軍庶猶以節制望端欲倚端以自副端彌不平端號令素嚴叩其墜者雖貴亦不敢馳庶至軍端令每門滅其後騎之半至帳下僅有數騎而已端獨虛中軍以居庶坐帳中端先以戎服

趨於庭既而喘聲色俱厲問庶延安失守狀且曰節制因知愛身不知爲天子愛城乎庶曰吾數令不從誰其愛身者端怒曰在耀州屢陳軍事而不見一聽何也因起歸帳端謀卽中軍誅庶而奪其兵乃夜走甯州見陝西撫諭使謝亮說之曰延安五路襟喉已失春秋大臣出疆之義得以專之請誅庶歸報亮曰使事有指今以人臣而擅誅於外是跋扈也公則自爲之端意沮因復歸乃拘廢其官屬又奪庶節制使印而遣之金人既破延安府遂自綏德渡河攻晉甯守臣徐徽言遣使約知鄜州折可求攻之洛索聞徽言與可求合乃令人說可求許封以關中地可求遂降金挾可求招徽言於城下徽言登陴以大義責之且引弓射可求乃去金攻晉甯急徽言屢敗之斬洛索之子徽言西安人也

康定軍鄜州也坊州中部縣丹州宜川縣襄樂在甯州北晉甯軍今永甯州西三十里

金人破濮州初宗翰自澶淵引兵至城下意以爲小郡甚輕之將官姚端乘其不意夜劫其營直犯中軍宗翰跳足而走僅以身免金攻城凡三十三日至是自西北角登城守陴者不能當端率死士突出宗翰入其城城中無長少皆殺之又攻澶淵顯謨閣學士知開德府王棣率軍民固守金人爲僞書至城下曰王顯謨已歸汝百姓何敢拒師軍民聞之欲殺棣棣走至南門爲軍民踐死城遂破經略司主管機宜文字鄭建古亦爲亂兵所殺金怒其拒戰殺戮無遺事聞贈棣實政殿學士贈建古朝請大夫

宗翰破北京河北東路提點刑獄郭永死之初金人攻北京急張益謙欲遁去永曰北門所以遮梁宋敵得志則席卷而南朝廷危矣借力不敵猶當死守徐挫其鋒以待援因自率兵晝夜乘城且繼死士持帛書詣行在

告急求曰今日正吾僑壽節之時卽行城撫將士曰王師至矣衆皆感泣是日大霧四塞金以斷碑殘礎爲敵樓櫓皆壞左右蔽盾而立至有碎首者耳久城破永安坐城樓上或掖之以歸諸子環泣請去永曰吾世受國恩當以死報然衆傾卵覆汝輩亦將何之茲命也爰懷益辭與判官裴億率衆迎降金人入城宗翰曰沮降者誰永熟視久之曰不降者我也尙奚問宗翰夙聞永名乃以官貴啗之永瞋目厲曰恨不滅爾報國何說降乎宗翰令譯者申諭永永執手罵不絕宗翰惡其言麾之使去永復厲聲曰胡不速殺我我死當率厲鬼以滅爾曹永長七尺美鬚髯望之如神人輕財好義而吏治精明事關贈資政殿大學士諡勇節

宋北京今大名府

三年呂頤浩言今敵騎漸逼京東百辟皆言疆場不敵臣願願算先定陰爲過江之備而大爲拒敵之資申飭諸將馴習疆勢以俟夾淮一戰此不易之策夫彼之所長者騎而我以步兵抗之故不宜平原曠野惟扼險用奇乃可掩擊又水戰之具在今宜講然防淮難防江易近雖於鎮江之岸擺泊海船而上流諸郡自荆南抵儀真可渡處甚多豈可不預爲計望制使兩員一自鎮江至池陽一自池陽至荆南專提舉造船且詢水戰利害又駐蹕維揚當以一軍屯盱眙一軍屯壽春以備衝突葉夢得言兵機事也不度時則爲難今視去冬又爲難矣去冬金但游騎出入陝西河北未知總衆者何人今主兵乃尼瑪哈

舊作粘沒喝卽宗翰

且親至濮及開德矣向者開德大名東平三大鎮鼎足而立今惟東平歸然獨存以當宋魏之衝而滄州孤絕在後又南京最重而敵騎已至楚邱且靖康之失在固守京城而不知避也事有緩急必當從權伏望陛下通下情達斥候如必欲過江

則亟降詔以諭中外則人心安矣臣又願飭諸要郡東則鄆徐南京西則廬壽和州南則唐襄荆渚各立軍數使之召募仍命大將與帥參治復選近臣爲總帥以節制之陛下毋以宇文虛中奉使未回意和議爲可恃也靖康正緣恃和議而墮敵計今安可待萬里之報哉張守節金人自去冬已破澶濮德魏而游騎及於濟鄆雖遣范瓊韓世忠會戰而二將未可恃臣謂今日莫失於連斥候昔三國時烽火一夕五千里而前日北京失守再決始知今之爲策有二一防淮二渡江若屯重兵於楚泗及淮陰三處敵亦未能遽犯然恐我師怯戰望風告潰及舟楫拘於岸而敵亦能斬木繫棧以濟或以精騎間道先絕吾渡江之路此可患者一也我若渡江而宿重兵於昇潤敵亦未能遽侵然去中原益遠民心易搖又行在兵多西人不樂南去或生意外之事維揚亦須留兵則寇衝勢弱此可患者二也惟其利害相形遂不能決若爲中原計而幸敵不至則用防淮之策若爲宗社計而出於萬全則用過江之策然權其輕重勢當南渡而別擇重帥以鎮維揚則中原不患於搖動明諭諸軍以禍福則西人不患於不樂昇潤亦擇重帥使當一面則兵分勢弱亦非所患明詔大臣預區處以俟探報探報速聞則在我之計可得而用也時羣臣奉詔論邊事者黃潛善等請皆送御史臺抄節申尙書省

池州今屬

池州楚邱在曹縣東南荆渚卽荆州漢今開州魏今大名府濟今濟南州具今江甯府濟今鎮江府

宗翰破徐州守臣龍圖閣待制王復死之初宗翰自虜引兵欲趨行在遂圍徐州復率軍民力戰外援不至城破復堅坐廳事不去謂宗翰曰死守者我也監郡而次無預焉願殺我而舍僚吏與百姓宗翰猶欲降之復

大罵求死由是關門遇害城始破武衛都虞候趙立巷戰奪門以出爲金兵所擊以爲已死夜半得微雨斷活乃殺守者潛入城求復尸埋之遂陰結鄉兵爲興復計事聞贈復資政殿學士諡忠節

諡忠節今兗州府行在帝時駐蹕揚州也

韓世忠兵潰於沐陽初世忠在淮陽將會山東諸寇以拒金會宗翰兵至滕縣聞世忠扼淮陽恐稽師期乃分東南道都統領兵萬人趨揚州以議事爲名使帝不得出而宗翰以大軍迎世忠世忠不能當夜引歸軍無紀律未晚至宿遷縣不虞金人之躡其後賀明覺之奔於沐陽世忠在沐陽夜不安寢與其帳下謀夜竄軍乘潮走鹽城縣翼日諸軍方覺遂潰去聞門宣贊舍人張遇死於漣水軍之張渠邨後軍管隊官李彥先率本隊四十七人得二舟入海聚衆自此轉運聚衆於漣水李在據高郵皆世忠之兵也其餘收散卒自爲徒黨者不可勝計宗翰入淮陽軍執守臣李寬而去

淮陽今邳州連水今安東縣

金人破泗州先是禮部尙書王綱聞金兵且南至率從官數人同對帝命至都堂議黃潛晉汪伯彥笑曰諸公所言三尺童子皆能及之時金人自滕縣以五千騎趨臨淮皆金裝白氈笠子把隘官永州防禦使關璘屯泗州遣人伺其實或曰劉忠犯臨淮或曰李成餘黨也璘以兵迎之獲游騎數人乃知爲金人至是夕泗州奏金人且至帝大驚軍中倉皇以內帑所有通夕搬挈二月庚戌朔帝駕御舟泊河岸郡人惶怖莫知所爲知天長軍楊晟等拆浮橋始詔士民從便避敵官司毋得禁帝卽欲渡江黃潛等力請少留俟報且搬左藏庫金帛三分之一帝許之金人破天長軍帝遣左右內侍鄭詢往天長軍覘事知爲金人至遽奔還帝得詢報卽介

奔走馬出門惟御營都統制王淵內侍省押班康履五六騎隨之過市市人指之曰官家去也俄有宮人自大內見散而出城中大亂帝與行人並轡而馳黃潛善汪伯彥方會都堂或有問邊耗者獨以不足畏告之堂更呼曰獨行矣二人乃戎服鞭馬南竄軍民爭門而死者不可勝數帝次揚子橋一衛士出語不遜帝擊手劍殺之時軍民怨黃潛善刻骨司農卿黃鑄至江上軍士呼曰黃相公在此數之曰誤國害民皆汝之罪鑄方辨其非而首已斷矣呂頤浩張浚聯馬追及帝於瓜州鎮得小舟即乘以濟次京口帝坐水帝廟取劍就靴擦血百官皆不至諸衛禁軍無一人從行者鎮江聞車駕進發居民奔走山谷城中一空守臣錢伯言發府兵來迎始右諫議大夫鄭愚詣謁建康潛善等沮之及是愚從行帝顧曰不用卿言及此是晚金將瑀舊作馬五今改以五百騎先馳至揚州問帝所在衆曰渡江矣金人馳往瓜州望江而回淮陽軍今泗州瓜州鎮揚州東南黃江處

衛廣敏入對廣敏在維揚數爲帝言揚州非駐蹕地請早建康帝思其言復召入廣敏言餘杭地狹人稠區區一隅終非可都之地自古帝王未有作都者惟錢氏節度二浙而竊居之蓋不得已也今陛下巡幸乃欲居之其地深遠狹隘欲以號令四方恢復中原難矣前年冬大駕將巡於東臣固嘗三次以建康爲請蓋倚山帶江實王者之都可以控扼險阻以建不拔之基陛下不狩於建康而狩維揚所以致今日之警也爲今之計莫若暫圖少安於錢塘徐詣建康然長江數千里皆當守備如睦口直瀾須夏口直赤墾姑孰對歷陽牛渚對橫江以至西陵柴桑石頭北固皆三國南朝以來戰爭之地至於上流壽陽武昌九江合肥諸郡自吳而後必道

信臣提重兵以守之而江陵襄陽尤爲要害此尤不可不扼險以爲屯戍也今敵騎近在淮壩則屯戍之數固未能遽爲宜分降詔許於沿江守土之臣使之扼險屯兵廣爲守備許行軍備之法使羣民得輸粟以贖軍許下募兵之令使士人得出力以自效又重爵賞以誘之則人人效命守備無失而敵騎必退矣敵騎既退則可以廣設屯戍如前所陳遲以歲月國體少安可以漸致中興之盛矣上頗納其言

自江南而西南至太平府北二十里曰牛渚北對和州東

南之橫江其西南太平府即姑孰北對和州即歷陽又西南蕪湖之陵口北對和州無爲州界之濶須又西千里至嘉魚之赤壁北對漢陽之漢口即夏口也柴桑在九江石頭在江陵北固在鎮江嘉陽即壽州據此所言

亦疎略未盡

丁進既受撫以其軍從帝行遮截行人恣爲劫掠且請將所部還江北與金人血戰其意欲爲亂會御營都統制王淵自鎮江踵至進懼欲亡入山東朱勝非過丹陽進與其眾匿遠林中以狀遮勝非自訴淵聞叛遣小校張青以五十騎衛勝非因給進曰軍士剽掠非汝之過其招集叛亡來會青誘進詣勝非至則斬之

帝將發平江中書侍郎朱勝非自鎮江來以瞞入見初帝以吳江之險可恃議留大臣鎮守帝欲除勝非兼知秀州輔臣言秀非大臣鎮守之地乃以御札命勝非兼充平江府秀州控扼使勝非再對留自言臣雖備員執政與諸軍無素更乞從官一員同治事帝曰從官何嘗預軍事勝非曰如呂頤浩張浚皆兼御營司參贊軍事可用也於是帝問近臣誰能佐勝非者浚慷慨願留遂命浚同節制控扼等事仍詔勝非行移如尙書省體式事有奏陳不及者聽便宜施行浚奏浚受命卽出城決水溉田以限戎馬列烽燧募土彙指置捍禦長兵至平

江者三千餘人

平江府蘇州府

金人破晉甯軍守臣忠州刺史徐徽言死之初徽言在晉甯聞河東遺民口望王師之至乃陰結汾晉土豪約以復故地則奏官爲守長聽其世襲會朝論與金結好恐出兵則敗和議抑其所請不報金人忌徽言欲速拔破甯以除其患圍之三月屢破卻之久之城矢石皆盡士困餓不能與會監門官石贊夜啟關納金人城遂晉徽言聞兵入即縱火自焚其家而率親兵力戰比曉左右略盡徽言爲金所執金人知其忠使之拜不拜臨之以兵不動命降將折可求諭之降指可求大罵與之酒徽言以杯擲其面曰我尙飲汝酒乎嫂罵不已金人怒持刀刺徽言徽言罵不絕聲而死後贈晉州觀察忠壯初晉甯之圍也太原府路兵馬都監孫昂率殘兵與徽言共守及城破昂引所部三百人巷戰自夜達旦格殺數百人士卒死亡殆盡昂自度不免引刃欲自刺金兵擁至軍前以甘言誘之昂終不屈而死父翊宣和末以相州觀察使知朔甯府救太原死於陳

御史中丞張澈上疏劾贊善汪伯彥大罪二十大略謂贊善等初無措置但固留陛下致萬乘蒙塵其罪一禁止士大夫搬家立法過嚴議者咸云天子六宮過江靜處我輩豈不是人使一旦委敵歸怨人主其罪二自虞楚通秦以南州郡皆碎於潰兵其罪三祖宗神主神御不先渡江一旦車駕起則僅一兩卒昇致傾搖暴露行路酸鼻其罪四建炎初年河南止破三郡自潛警等柄任以來直至淮上所存無幾其罪五士大夫既不預知渡江之期一旦流離多被屠殺其罪大行在軍兵津渡不時倉卒潰散流毒東南其罪七左幫金帛甚多不

令裝載盡爲敵有其罪八自漣水至揚州咸被殺掠生靈塗炭其罪九謝克家李揆俱受僞命而反進用其罪十潘崇於王勰爲相時致位侍從故今日侍從卿監多王勰之客伯彥則引用梁子美親黨牢不可破罪十一職事官嘗時病者皆付御史臺抄節中尙書省題署冒路罪十二用朝廷名爵以矜士大夫罪十三行在京師各府百司設官重複耗蠹國用如以巡幸而置御營使司則樞密院爲虛設置提舉財用則戶部爲備員罪十四許景衡建渡江之議擠之至死罪十五身爲御營使多占兵衛不避嫌疑罪十六敵人相距斥候全無止據道途之言爲真致此狼狽罪十七敵騎已近尙敢挽留車駕罪十八虛益自散官中引爲八座遂進樞副伯彥之客爲起居郎有罪補外遂除集英修撰二人朋比專務欺君罪十九國家殆辱不知引罪罪二十疏入未報遂以狀申尙書省潘普伯彥乃復求去已而皆罷

初羣從統制鼎州團練使苗傅自負世將有勞以王淵驥得君頗觖望威州刺史劉正彥常招降劇盜丁進等以賞薄怨望又淵既薦正彥後職取其所予供正彥執不遣以此怨淵帝在維揚入內侍省押班康履頗用事妄作威福諸將多疾之比至杭州江下觀潮中官供帳赫然遮道傅等切齒曰汝輩使天下顛沛至此獨敢爾耶有中大夫王世修者爲傅幕賓世修常疾闊宦恣橫爲正彥言之正彥曰君言甚忠當與君同去此輩俄聞淵入右府傅正彥以爲由宦者所薦愈不平遂與世修及其徒王鈞甫馬柔吉張達等謀先斬淵然後殺內侍三月癸未神宗皇帝忌百官行香罷入聽宣制苗傅劉正彥令王世修伏兵城北橋下俟王淵退朝卽猝下

馬謖以結宦官謀反正彥手斬之遂遣人圍康廋家分兵捕內官凡無髮者皆殺傳揭榜於市正彥卽與傅擁兵至行宮北門外帝大駭愕不覺起立勝非曰既殺王淵反狀甚著臣請往問之勝非厲聲詰問專殺之由吳湛引傅所遣使臣入內附奏曰苗傅不封國家止爲天下除害耳知杭州康允之見事急率從官扣內東門求見請帝御樓慰諭軍民不然無以止變帝憑欄呼傅正彥問故傅厲聲曰陛下信任中官賞罰不公軍士有功者不賞內侍所主者乃得美官黃潛若汪伯彥誤國至此猶未遠竄王淵遇敵不戰因交康廋乃除樞密臣自陛下卽位以來立功不少顧止作遙郡副使臣已將王淵斬首中官在外者皆誅訖更乞康廋藍珪曾擇斬之以謝三軍帝諭以內侍有過當流海島卿可與軍士歸營傅曰今日之事盡出臣意三軍無預焉且天下生靈無辜肝腦塗地止緣中官擅權若不斬腹擇歸寨未得帝不得已命吳湛執腹捕得於清漏閣仰藥上衛士擒至閣門遂以付傅等卽樓下腰斬之腹既死帝諭傅等歸寨傅等因前出不遜語大略謂上不當卽大位將來淵聖皇帝來歸不知何以處帝命勝非縋出樓下委曲諭之傅請隆祐太后同聽政及遣使金人議和帝許諾卽下詔召恭請隆祐太后垂簾權同聽政百官皆出門外傅正彥聞詔不拜曰自有皇太子可立況道君皇帝已有故事帝謂勝非等曰朕當退避但須稟於太后帝乃令顏岐入奏又命吳湛諭傅等甲午太后與魏國公垂簾朱勝非稱疾不出太后命執政詣其府勝非乃出

江東制置使呂頤浩方至江甯忽奉內禪詔赦送會監司議皆莫敢對退謂其屬官李承邁曰是必有兵變承

邁曰詔詞有畏天順人之語此恐其出於不得已也其子抗侍側曰兵變無疑矣頤浩卽遣人入杭伺賊并寓書於張浚劉光世痛述國家艱難之狀別以片紙遺浚曰時事如此吾儕可但已乎時有自杭州資傳等檄文至平江者浚讀慟哭乃決策舉兵是日張俊以兵至平江府俊初屯吳江縣苗傅等以其兵屬趙哲使俊之鳳翔會統制官辛永宗自杭乘小舟至俊軍具言城中事將士洶洶俊諭之曰若等無譁當詣張侍郎求決侍郎忠孝必有籌畫至是俊引所部八千人至平江浚知帝遇俊厚可與謀事浚語俊曰太尉知皇帝遜位之由否此蓋苗傅等欲危社稷言未訖泣數行下俊亦大哭浚諭決策起兵問罪俊泣拜且曰此事須待邵濟以機術勿令驚動官家浚哽噎首肯移時辛永宗趙哲至爲浚言傅每事取決王鈞甫馬柔吉傅素乏心機而劉正彥輕疎聞公諄諄鈞甫當先以書離間二人然後徐爲之計浚然其說卽同趙哲馳入張俊軍中撫諭且厚犒之人情大悅浚以蠟書諭呂頤浩劉光世起兵狀又令俊先遣精兵二千扼吳江會苗傅乞改年號劉正彥乞移蹕建康勝非留身太后諭以二事勝非曰移蹕豈可遽議金近在江北沿江皆未有備太后曰何以却之勝非曰俟降出文字朝廷且與判收徐議區處可也后曰審慎處置此是第一次理會事勝非曰臣近察二凶愚無英氣王鈞甫王世修皆有悔意未敢深詰但以利動之約其再來后遽曰如何勝非曰主上反正已有端緒二兇之力至此極矣向張遠建議誘說諸軍掠取王淵及諸內臣家人人可以致富及掠索之後所得不副所聞人有悔意數日來小校有遁去者會世修再至勝非與語因論二將所陳如改元等事未得請頗以爲言語未

畢內批傳第三奏云可改元明德或明受勝非以示世修曰已從請矣張浚上言睿聖皇帝方春秋鼎盛而遽爾退避恐四方聞之不無疑竊萬一別生它事尙望詳酌施行又以手書遺傳正彥前密州州學教授邵彪見浚於軍中浚問策安出彪曰以至順誅大逆易於反掌公慮之何如耳浚曰張俊指天誓地願以死援君父之辱韓世忠有仗節死難之志二人可以集事惟浚士卒單弱恐不足以任茲事然呂樞密屯兵江甯其威望爲人所信向且通亮剛決能斷大事當爲天下倡劉光世屯兵鎮江兵力强悍謀議沈鸞可以倚仗浚皆馳書往矣彪曰兵貴神速呂樞密在數百里外奈何浚曰呂樞密賭事明而剛決聞國家之難必先衆倡義而起何患不速浚書至江甯呂頤浩執書以泣曰果如所料事不可緩矣再發書與浚及諸大將約會兵乃檄主管侍衛馬軍司公事楊惟忠留屯江甯府以安人心且諭惟忠以苗傅等計窮恐挾至尊以遁由廣德渡江當日夜爲控扼之備頤浩上言近聞將相大臣剿戮內侍誠可以快天下之心但方今強敵乘戰勝之威諸盜有蜂起之勢興衰播亂事屬艱難望太后皇帝不憚再三祈請睿聖皇帝亟復皇帝位親總萬機以圖恢復臣年六十疾病衰殘目觀今日之事實社稷存亡安危之所繫不敢愛身瀝泣血雨淚拜章望聖慈聽納仍傳檄諸軍將先是張浚欲遣辨士持書說二賊使無它圖以待諸將之集念無可遣者浚客遂甯進士馮素實氣節聞之慷慨請行是日頤浩所遣書至浚知頤浩已有定謀大喜再發書報以所部軍馬數及舉事次叙

苗傅劉正彥詣都堂欲分所部代禁衛守睿聖宮尙書右丞張浚以爲不可固止之傅等又欲挾帝爭徽越朱

勝非曲折論以禍福且以忠義歸之傳乃已馮輅再見傳正彥於軍中從容白之曰輅爲國事而來今已再至未聞將軍之命願一言而決自古官亂政根株相連不可誅鋤二公一旦爲國家去數十年之患天下蒙福甚大然主上春秋鼎盛天下不聞其過豈可遽傳位於襁褓之子且前日之事名爲傳位其實廢立自古廢立朝廷不在軍中二公本有爲國之心豈可以此負謗天下少頃傳按劍臨視曰金人之意在建炎皇帝今主上當極太母垂簾將復見太平天下咸以爲是如張侍郎書處侍從建立何事而敢梗輅輅曰太母深居九重安能勅兵與金從事天下自有清議太尉幸熟思傳益發怒正彥見輅辭色不屈卽與王鈞甫馬柔吉引傳耳語遂諭輅曰侍郎欲復辟此事固當然須面議詞語甚遜明日卽遣宣義郎趙休與輅偕還遣張浚書約浚至杭同議呂頤浩以勤王兵發江甯初苗傅等以詔召頤浩赴行在命以所部付楊惟忠頤浩知其意以羸弱千餘人授惟忠自將精兵萬人討賊至是發江甯頤浩躬擐甲胄據鞍執鞭奮衆士皆感勵師次句容驛頤浩援筆記起師之日且大書建炎之號諭縣令采石刻之以堅將士之心韓世忠亦以所部至平江初世忠在常熟舟中聞張浚遣人來被甲持刃不肯就岸取浚及統制官張俊所遺書讀之世忠乃大哭舉酒酹神曰誓不與此賊共戴天舟中士卒皆誓世忠見浚曰今日大事已成世忠與張俊以身任之願公毋憂世忠欲卽進兵浚諭之曰事不可急投鼠忌器急則恐有不測浚已遣馮興甘言誘賊矣先是朱勝非在平江嘗以蠟書招王德用光世又以告身數通及所被服戰袍細甲等隨之德遂將所部自采石渡江光世得之其軍復振遂趣平江

以德爲前軍統制光世因言苗劉逆狀德曰敕亂之軍當百舍一患請先率輕兵由桐川趨餘杭出其不意則擒二賊易於反掌光世以諸帥之議已定遂不從呂頤浩帥師次常州與守臣周杞約治兵扼其險要韓世忠以所部發平江初苗傳聞世忠自海道還以都統司檄命世忠屯江陰世忠至平江卽詭爲好詞報傳以所部殘零人馬不多欲赴行在傳大喜許之是日張浚大偏世忠及張俊兩軍猶五行罷浚引諸將至後園屏左右問曰今日之事孰逆孰順衆皆曰我順彼逆浚曰浚若迷天悖人可直取浚頭顧歸賊卽日富貴矣不然一有退縮當以軍法從事衆皆諾初沐陽之潰世忠部曲皆散幾不能軍浚以其兵少命張俊以統領官劉寶二千入借之世忠發平江舟行不絕者三十里軍勢甚振浚恐傳等以僞命易置乃令世忠偏將張世慶搜絕郵傳凡自杭來悉投之水中浚復遣馮轡入杭移苗傳等告以禍福使之改圖曰自古言涉不順則謂之指斥乘輿事涉不順則謂之震驚宮闕至於遜位之說則必其子若孫年長又賢因託以政事使之利天下而禍蒼生不然謂之廢立廢立之事惟宰相大臣得專之伊尹霍光之任是也不然則謂之大逆族誅凡爲人臣者握兵在手遂可以責其君之細故而譴廢立自古豈有是理也哉今建炎皇帝春秋鼎盛不聞失德於天下一旦遜位似非所宜浚豈不知廢置生殺二公得專之蓋其心自處已定言之雖死無悔願二公畏天順人無顧一身利害僞使事正而或有不測猶愈於舉不忠不義之名而得罪於天下後世也初浚發舟及所措置事皆託它詞未敢訟言誅之傳等雖聞大集兵猶未深信得此言始悟見討奏請誅浚以今天下浚令韓世忠屯秀世忠至

秀稱疾不行遣驛檄召樞密傳等始憐時兩宮音問幾不相通太后遣小黃門至睿聖宮白曰早來不得已已
貶張俊帝方嘆不覺覆羹於手初苗傅得浚手書卽請緇浚朱勝非沮止之至於五六及是傅等至都望見
勝非且言浚見謂爲逆賊所不能堪如呂樞密則曉事意欲殺浚勝非見其悻甚恐生它變謂之曰罷浚兵權
而以付呂樞密必無事矣傅意稍解遂有郴州之命時韓世忠扼秀州張俊前軍在吳江賊氣始沮節制司參
議官辛道宗總舟師與統領官陳思恭亦自華亭進發呂頤浩軍行至平江之北先是頤浩以所部萬人發江
甯道募得三千人與俱至平江之北四十五里張浚乘輕舟迂之道遇小舟得郵筒屏人發封乃浚郴州副命
浚得之喜將士觀望不盡力讀書曰得書趨赴行在卽日起發浚見頤浩相與對泣以大計告之頤浩曰事不
論不過赤族今日爲社稷死豈不甚快耶浚壯其言頤浩卽召其屬官李承造於舟中草檄而浚爲潤色之初
苗傅聞世忠在秀州取其妻梁氏及其子亮於軍中以爲質勝非聞之乃好謂傅曰今當取太后招二人慰撫
使報知平江諸人益安矣傅許諾勝非喜曰二兇真無能爲也太后召梁氏入見封爲安國夫人錫予甚渥后
執其手曰國家艱難至此太尉首來救駕可令速來梁氏馳出都城疾驅一日夜會世忠於秀州俄而傅等遣
使以麻制授世忠世忠曰吾但知有建炎豈知有明受新其使焚其詔又遣使持麻制授張俊俊械以送獄馮
輅又謁王鈞甫曰此事若了在它人公何以贖過鈞甫願以爲然頤浩浚議進兵世忠爲前軍俊以精兵翼之
劉光世親以選卒爲遊擊頤浩浚總中軍光世分兵殿後遂以勤王爲名頤浩浚傳檄中外遣統制官張道率

兵三千人屯湖州安吉縣以分賊勢初頤浩至平江張俊見之涕泣曰主上待我輩厚今日惟以一死報國日夜望樞密之至以爲盟主頤浩慰勉之是日光世亦以所部至平江光世見張俊相與釋憾苗傅等計不行丁未宰相朱勝非召苗傅劉正彥至都堂議復辟事傅正彥至勝非語之曰反正事已定日迎請朝廷百官皆有軍容公自可別作一章傳面頤發赤慚愿不語回顧正彥起曰遽請反正前後事體相違勝非責之曰前日王淵不當作樞密人情猶能如此今日之事孰爲輕重不然下詔率百官與六軍請上還宮公等六人置身何地正彥却立不對傅長吁曰獨有死耳勝非以二將反覆責王世修又以言逼傅不能答勝非令世修即麻間草奏持歸軍中自準備將已上皆書名執政晚朝至淵會世修辭軍中請復辟奏狀納勝非勝非進呈皇太后極喜曰吾責塞矣時頤浩浚大軍已次吳江王世修聞之遣人至軍中云上已處分兵馬重事止勳王師屯秀傳頤浩浚以單騎入朝頤浩奏曰臣等所統將士忠義所激可合不可離願提軍入覲傅等計窮益懼是晚苗傅劉正彥至都堂見朱勝非請詣聖宮見帝謝過勝非難之不得已白於帝傅正彥自知罪大疑不得見憂懼失色抵宮門日已曠矣帝開門紳之且令衛士掖以陞殿傅正彥請降御札以緩外師帝曰人主親札非所以取信其取信於天下者以有御寶今朕退處別宮不與國事用何符璽以爲信自古廢君杜門省愆豈敢更預軍事傅等與請帝乃賜韓世忠手詔傅等退以手加額曰乃知聖天子度量如此遂遣兵馬鈐轄張永貽持詣世忠世忠得之謂永載曰主上卽復位事乃可緩不然吾以死決之傅等大恐